

MIVOAKA ANY IVELAN'NY TOBY



Ndao isika hijanona hitsangana fotoana fohy fotsiny.

Andriamanitra malala, mankasitraka Anao izahay ny amin'ity tombontsoa anankiray hafa ity mba hitsangana ao amin'ny tranon'Andriamanitra ka hanompo an'ilay Andriamanitra velona. Tena mankasitraka tokoa izahay fa mbola nomena anay ity tombontsoa ity eto amin'ny tanàna. Ary ankehitriny izahay dia feno fisaorana ho an'ireto olona mahatoky ireto, ihany koa, Tompo, izay tonga avy tany amin'ny maily maro, an-jatony maily, ny maro amin'izy ireo. Ary ny sasany amin'izy ireo dia hiezaka ny—ny hiriotra mafy amin'ny lâlan'izy ireo miverina, izao hariva izao, eny amin'ireo lâlana malalaka, mitety an'ilay lâlana malalaka. Andriamanitra, mivavaka aho mba Hombanao azy ireo sy hanampy azy ireo. Tariho lâlana izy ireo, O Ray. Misaotra Anao izahay ny amin'ity oran'rika kely izay mampangatsiaka ny rivotra ho anay ity, vonjimaika.

² Ary, Ray, mivavaka izahay mba Hihaonanao aminay izao hariva izao ao amin'ny Teninao. Fa, izany no antony hivorianay, Tompo, dia ny hihaona Aminao ao amin'ny Teny. Ampio izahay, Tompo, mba tena hitera-bokatsoa ho an'ny Fanjakanao ny fiangonanay, ary mba hahatonga anay ho tena fanampiana, mba hahatonga anay hanampy ny hafa. Ekeo ireo zavatra izay angatahanay ireo, amin'ny Anaran'i Jesosy. Amena.

Afaka mipetraka ianareo.

³ Nanana fihaonana manokana fohy iray fotsiny aho tao. Ary mialoha indrindra ny nanombohan'ny favoriana, dia i Billy no nanome ahy toy ny—ny entam-be iray tamin'izy ireo hany aho—aho ka saiky tsy nahafantatra hoe aiza no hanombohana. Fa mivavaka isika mba—mba hitahian'Andriamanitra anareo amin'ny ezakareo amin'ny fijanonanareo ho an'ny favoriana hariva.

⁴ Ankehitriny, raha sitrapon'Andriamanitra, amin'ny Alahady heriny maraina aho dia hanana ny—ny favoriana iray indray. Vao avy niresaka tamin'ny pasitera aho, ary mety tsara amin'izy ireo izany.

⁵ Ary ankehitriny dia maniry aho ny hanana fotoana hiarahabana ny sakaiza tsara rehetra izay ananako ato, saingy fantattro fa miandry ianareo. Mafana ny andro. Ary izaho—izaho dia hanajanona an'izany fotoana izany fotsiny, ka—ka hilaza an'izao fotsiny hoe, "Andriamanitra hitahy anareo."

⁶ Fantatrareo, izaho dia tsy mahafantatra zavatra lehibe iray izay azon'ny olona angatahana ho ahy, afa-tsy ny miteny hoe,

“Andriamanitra hitahy anao.” Hitanareo? Raha hanao an’izany Izy, dia izay ihany no ilaiako, izany—izany fotsiny. Heveriko fa izany no teny lehibe indrindra ao amin’ny—ao amin’ny fitenim-paritra, “Andriamanitra hitahy anao.” Ary, ankehitriny, dia fantatro fa manao Izy.

⁷ Ary araka ny nolazaiko tamin’ny vadiko fotoana vitsy lasa izay. Izaho dia—izaho dia niezaka nandro, ary tsy nety maina aho. Izaho dia—izaho dia nifafa, ary avy eo dia mando indray aho. Nifafa aho, ary izaho tsy afaka nanao ny lobako, akory aza. Ary izany dia hafa kely amin’ny any Tucson. Saiky indroa amin’izao hafanana izao ny andro, saingy avy eo ianareo—ianareo dia tsy misy hatsembohana mihitsy. Tsy misy—tsy misy hamandoana eny amin’ny rivotra, koa dia izany no manamaina an’ilay izy vantany vao mivoaka ianareo. Mametraka rano iray koveta eo ianareo, dia lasa izany. Tsy mety tsemboka ianareo, satria izany no manaisotra an’ilay izy fotsiny aminareo mialoha anareo—anareo—anareo ho tsemboka. Tsemboka ianareo, tena marina, saingy tsy hitanareo mihitsy izany. Noho izany, eto, dia niezaka aho ny hanana fotoana mahatsiravina iray mba ho maina. Noho izany, ary izaho—izaho dia kotsa izao ankehitriny izao.

⁸ Tao amin’ny efitra tao aho, ary nanana olona fito na valo tao izahay, izay hamehana, ary tsy maintsy nojerena avy hatrany izany.

⁹ Ankehitriny, ny antony ihazonako anareo, sy ny angatahako anareo mba—mba ho tonga, dia satria aho—aho dia mahatsapa fa izany dia—izany dia hitera-bokatsoa amintsika. Izaho—izaho dia tsy hanao an’izany, ry sakaiza. Izaho—izaho dia mihevitra be loatra anareo, mba hanao an’izany, ny hoe ho tonga fotsiny mba—mba handre olona iray, na hihaino izay tsy maintsy ho lazaiko, na zavatra iray. Izaho—izaho tsy hanao an’izany. Tsy ho tsara izany. Tsy haneho ny fitiavako anareo izany, ny hoe ho tonga fotsiny tahaka an’izany. Ary tsy mino aho fa ianareo dia tonga... Na dia, fantatro aza fa tia ahy ianareo, tahaka ny itiavako anareo. Ary—ary noho izany izaho—izaho—izaho dia mahafantatra an’izany, raha tsy izany ianareo dia tsy hanao an’ireo zavatra izay ataonareo. Noho izany dia mihevitra betsaka ny aminareo aho, ka izaho tsy hanao anareo hipetraka ao amin’ny hafanana sy ny sisa, tahaka an’izao, raha tsy nihevitra an’izany ho zavatra iray hanampy anareo aho.

¹⁰ Noho izany, alohan’ny ahatongavako eto, dia miezaka ny tsara indrindra amiko foana aho, eo anatrehan’Andriamanitra, mba hitondra zavatra kely iray, Soratra iray amin’ny fomba anankiray, ary mangataka ny Fitarihany, ilay zavatra farany mialohan’ny ialana. “Manampia, Tompo Andriamanitra, na ahoana na ahoana, omeo—omeo izay rehetra Vitanao ho an’ireto vahoaka malala ireto.”

Ary izaho dia manantena, ary tena mino, fa hiaina foana miaraka aminareo aho. Izaho dia mino fa ity no fotoana fohy indrindra izay ananantsika, rehefa miaraka mitsangana tahaka an'izao isika. Hiaraka isika ao amin'ny Mandrakizay. Hitanareo? Mino an'izany aho. Izaho—izaho—izaho dia mino an'izany.

Ary te-hanampy anareo aho. Ary izaho, raha milaza zavatra diso aho, dia ny Ray An-danitra no mahafantatra fa tsy hoe satria fanahy iniana no anaovako an'izany; izany dia satria ataoko noho ny tsy fahafantarana izany; nataoko tamin'ny tsi-fahalalana ilay izy.

¹¹ Noho izany, eo am-pahafantarana fa andraikitro ianareo, ary eo an-tànako, noho ny Filazantsara, dia ho tiako foana ny hihazona anareo tsara ao amin'ireo pejin'ity Baiboly ity. Ary—ary izaho . . .

Imbetsaka no nanatona ahy ny olona, ka nanao hoe, “Rahalahy Branham, raha hivoaka kely eto fotsiny ianao ka hanao hoe ‘HOY HY TOMPO HOE’ amin’ilay zanako kely izay marary, dia ho tsara izany. Mandehana mankany ary mitenena fotsiny hoe, ‘Ho salama izy.’ Izay ihany no tianay hataonao.”

¹² Ankehitriny, mahatoky sy maha-te-ho tia izany. Toy ny ahoana no ankasitrahako an'izany! Saingy, fantatrareo, tsy afaka manao an'izany aho raha tsy Izy no miteny amiko, aloha. Hitanareo? Afaka mivavaka ho an'ilay ankizy aho, manao izay rehetra vitako.

Fa, hitanareo, ahoana moa raha nandeha tany aho teo ambanin'ny hafanam-po ka niteny an'izany? Hitanareo, raha niteny aho hoe, “HOY NY TOMPO HOE,” izany dia ho hoy ny hafanam-poko fotsiny hoe. Hitanareo? Hitanareo? Ary amin'izay fotoana izay dia mety hitranga ilay izy, ary mety tsy hitranga ilay izy. Fa, avy eo, ahoana moa raha io olona iray io ihany no eo ambanin'ny hafanam-poko, ka tsy nitranga ilay izy? Amin'izay fotoana izay, io olona io dia mety ho ao amin'ny—ny toerana iray izay matetika dia eo anelanelan'ny fiainana sy ny fahafatesana, amin'izay fotoana izay dia ho aiza ny fahatokian'izy ireo? Izy ireo dia hatahotra hoe mety ho eo ambanin'ny hafanam-po indray aho. Hitanareo?

Noho izany, raha milaza an'izany aho, dia te-hatoky tanteraka aho fa marina ilay izy, miaraka amin'izay rehetra fantattro. Ary avy eo rehefa miresaka amiko Izy, dia afaka milaza izay Nasehony ahy fotsiny aho. Na tsara ilay izy na ratsy, dia tsy maintsy lazaiko izany. Ary indraindray ilay izy dia—ilay izy dia tsy tsara ny miteny an'ireo zavatra ireo amin'ny olona. Fa, kanefa, tena eo amin'ny andraikitro tanteraka ny hilaza amin'ny olona an'ireo—ireo zavatra ratsy izay hanjò azy ireo, tahaka ny tena andraikitro tanteraka ny milaza aminy an'ireo zavatra tsara izay hanjò azy ireo.

¹³ Ary, na izany aza, isika dia mila ny sitrapon'ny Tompo. Indraindray dia mifanohitra amin'ny fanirantsika ny sitrapon'ny Tompo. Saingy, mbola, raha mila ny sitrapon'ny Tompo isika, dia tena sarobidy ny mahafantatra fa hanjò antsika ny ratsy, raha izany no sitrapon'ny Tompo. Na tsara ilay izy na ratsy, dia ny sitrapon'ny Tompo no tiantsika ho vita. Ary fantattro fa izany fomba izany no ijerentsika an'ilay izy.

¹⁴ Ankehitriny, izaho—izaho dia mahafantatra fa ireo rahalahy eto dia mazàna manana telopolo minitra, hafatra roapolo na telopolo minitra ny Alahady hariva. Ary izaho—izaho dia tsy mahafantatra na afaka hanao an'izany aho na tsia, noho izany izaho—izaho dia hanao ny tsara indrindra izay vitako fotsiny.

¹⁵ Ankehitriny, heveriko fa misy asa fanaovana batisa iray aorian'izao avy hatrany. Reko fa nanao batisa vondron'olona lehibe iray izy ireo aninkeo maraina. Tsy ankitsahatra, dia misy batisa atao foana eto, isan'andro. Ireo mpitoriteny, Metodista, Batista, Presbyterana, fiangongan'Andriamanitra, Loterana, na inona izany na inona, dia tonga ary atao batisa amin'ny Anaran' "ny Tompo Jesosy Kristy."

Ary eo anatrehan'Andriamanitra, rehefa tsy maintsy hijoro eo amin'ilay Hazo Fitsarana aho, dia tsy maintsy hamaly ho an'izany. Ary raha madio fotsiny aho ao amin'ny eritreritro, tamin'ny fanamarinana tao amin'ny zavatra rehetra teo amin'ny fiainako hoe avy ao amin'izany aho, dia ho vonona amin'ny Fampakarana aho izao ankehitriny izao, satria fantattro fa izany no Fahamarinan'ny Filazantsara. Hitanareo? Izany no Fahamarinana.

¹⁶ Tsy misy Soratra iray ao amin'ny Baiboly izay nisy olona iray hany natao batisa tamin'ny fomba hafa afa-tsy tamin'ny Anaran'i Jesosy Kristy. Ny fanirahan'ny "Ray, Zanaka, ary Fanahy Masina," dia izao fotsiny... "Mandehana ianareo, ampianaro ny firenena rehetra, manao batisa azy ireo amin'ny Anaran'ny Ray, Zanaka, Fanahy Masina." Tsy ao amin'ny... tsy hoe miteny an'io titra io eo amin'izy ireo; fa manao batisa azy ireo amin'ny Anaran'ny Ray, Zanaka, Fanahy Masina, izany dia "Tompo Jesosy Kristy."

¹⁷ Ny olona rehetra ao amin'ny Baiboly dia natao batisa tamin'ny Anaran'i Jesosy Kristy. Ary ny Baiboly no nilaza, fa, "Na iza na iza hanaisotra Teny iray avy ao amin'Izany, na manampy teny iray amin'Izany, amin'ny fomba rehetra, dia loza ho azy ireo." Noho izany dia manana betsaka izay atahorana aho, ankoatry ny manampy zavatra iray na manaisotra an'Izany avy ao amin'ny Soratra.

Nitondra ahy tao anatin'ny olana izany matetika, saingy mijanona eo mihitsy aho. Izy no mpiaro ahy. Manao ahy hisaraka amin'ny sakaiza maro izany. Niala tamiko izy ireo nohon'ny amin'izany. Fa raha mbola mihazona an'ity Sakaiza eto ity foana

aho, ny Tompo Jesosy! Ary Izy no Teny. Tsy mampaninona, na mideza aza ilay lalan-kely, na sarotra aza ilay lâlana, tahaka an'izany no Nahatongavany. “Ary raha ilay Tompon’ny trano no antsoin’izy ireo hoe ‘Belzeboba,’ tsy mihoatra noho izany ve no hiantsoan’izy ireo an’ireo Mpianany?”

¹⁸ Ankehitriny dia ny Tompo anie homba anareo rehetra ary hitahy anareo mandrity ny herinandro, ka hanome anareo ny tsara indrindra izay azoko hivavahana mba homen’Andriamanitra anareo, izany no fivavako.

Ankehitriny dia hamaky avy ao amin’ilay Teny sarobidy isika.

¹⁹ Ary—ary ankehitriny dia tsarovy, indray, ny Alarobia hariva... Misy fivoriam-bavaka amin’ny antsasaky ny herinandro ve na zavatra iray? [Hoy Rahalahy Neville hoe, “Ny Talata, fivoriam-bavaka an-trano, ny Alatsinainy sy ny Talata hariva.”—Mpand.] Ny Alatsinainy sy ny Talata dia fivoriam-bavaka an-trano. Ataoko fa mahafantatra ny olona.

²⁰ Rahalahy Junior Jackson, ato amin’ny tranobe ve izy? Izaho... Rahalahy Jackson, izaho tsy... [Hoy Rahalahy Neville hoe, “Eny, ity eto ity mihitsy.”—Mpand.] Eto izy, Rahalahy Jackson. Eny àry Izaho—izaho... Misy Rahalahy Jackson iray hafa eto, izaho...

Ary Rahalahy Don Ruddell, ato amin’ny tranobe ve izy izao hariva izao? Rahalahy Don, io eto io.

Ary maro amin’ireo rahalahy hafa, mahita an’ireo rahalahy avy any Arkansas aho eto, sy Louisiana, ary—ary toerana samihafa manodidina ny firenena.

²¹ Ary manana sasantsasany aho, rahalahy efa zokiny iray eto izao hariva izao, ihany koa. Manana an-dRahalahy Thomas Kidd aho mipetraka eto amin’ny ankavanana, izay ho efatra amby valopolo taona afaka andro vitsy. Ary teo amin’ny telo na efataona lasa izay, nodidiana nohon’ny aretin’ny prostaty, ary teo am-pahafatesana niaraka tamin’ny homamiadana. Nametraka azy ho faty fotsiny tany ilay dokotera. Ary toy ny nopotehiko ilay fiarako tranainy, nankany aminy, tany Ohio. Ary ny Tompo Jesosy no nanasitrana azy tomady sy salama. Ary eto, izy sy ny namany kely, izao hariva izao. Ary maro aminareo no mahafantatra azy ireo; angamba ny sasany tsy mahafantatra. Fa io ny lehilahy iray sy vehivavy izay nitory ny Filazantsara talohan’ny nahaterahako. Eritrereto izany, ary izaho dia lehilahy antitra iray. Hitanareo? Ankehitriny, ary mijery azy ireo aho, ary izy ireo dia mbola mandeha, koa dia marisika aho.

Isika rehetra dia mahafantatra an-dRahalahy Bill Dauch mipetraka eto etsy amin’ny zorony.

²² Ary, oh, feno fisaorana toy ny ahoana isika ny amin’ny fitahian’Andriamanitra lehibe rehetra! Enga anie izany hitohy

hiaraka amintsika mandra-panenon'ilay trompetra farany ary, fantatrareo, "Hakarina miaraka isika, mba hitsena ny Tompo eny amin'ny habakabaka." Eritrereto izany! Olona tsy hita, tsy afaka hahita anareo intsony izy ireo, fa ianareo dia hiaraka hiangona miaraka amin'ny sisa amin'ilay vondrona.

"Ireo izay velona ka mitoetra amin'ny Fihavian'ny Tompo dia tsy hialoha, na hisongona," ilay teny dia hoe, "ireo izay nodimandry," fa tsy maty. Tsia, tsy maty ny Kristiana. Miala sasatra kely fotsiny izy ireo, hitanareo. Izay ihany. Oh, oadray! "Ary hitsoka ny trompetran'Andriamanitra; ary ireo maty ao amin'i Kristy no hitsangana aloha," hiseho amin'ny maro. Ary tampotampoka eo, dia lasa mitsangana ianareo ary mijery, ary, eny, eo ny rahalahy iray, dia fantatrareo fa tsy ho ela ilay izy. Ao anatin'ny minitra vitsy, "Hovàna isika, ao anatin'ny fotoana fohy, ao anatin'ny indray mipi-maso. Ary hiaraka amin'izy ireo, dia tsy ho hita eto an-tany, hakarina hitsena ny Tompo eny amin'ny habakabaka."

²³ Ary, ny mieritreritra, miaraka amin'ny rehetra izay efa hitantsika tao amin'ny Soratra, sy ireo fanamarinana tena mazava an'ilay ora izay iainantsika, dia mety hitranga alohan'ny fiafaran'ny fotoana izany, eritrereto fotsiny izany, izao hariva izao.

Amin'izay fotoana izay, amin'ny alàlan'izany, no anatonantsika ny Teniny, raha mamadika ao amin'ny Hebreo ny toko faha-13 isika, ary hamaky manomboka amin'ny andininy faha-10 ka hatramin'ny faha-14 isika. An'ny Hebreo 10 ary... na, na mamele ahy. Hebreo 13:10 hatramin'ny 14.

²⁴ Ankehitriny, araka ny efa nolazaiko, isika, rehefa manome fankatoavana ny sainantsika isika, izay tsara, izaho... Mitsangana foana isika rehefa manome fankatoavana. Ary ireo zava-mitrange lehibe hafa rehetra, isika—isika dia mitsangana mba ho fanajana, na miarahaba, sy ny sisa, ho an'ny firentsika. Ary rehefa mitendry ny *The Star-Spangled Banner* izy ireo, dia mitsangana amin'ny fifantohana isika.

²⁵ Ary amin'ny maha-miaramila Kristiana, dia ndao isika hitsangana amin'ny fifantohana raha mamaky ny Tenin'Andriamanitra isika. Henoy tsara ny famakiana ny Teny. Ny antony itiavako mamaky Azy; ireo teniko dia mety ho diso, fa ny Azy tsy hety ho diso. Noho izany raha mamaky ny Teniny aho, izay fotsiny, dia ho voatahy ianareo. Andininy faha-10-ny toko faha-13-n'ny Hebreo.

Isika dia manana alitara iray, izay tsy ananan'ireo izay manompo ny tabernakely fahefana hihinanana.

Fa ny tenan'ireo biby ireo, izay ny ràny no nentin'ireo mpisoronabe niditra tao amin'ny fitoerana masina noho ny ota, dia nodorana teny ivelan'ny toby.

Ary amin'izany Jesosy koa, mba hahamasina ny olona amin'ny ràny manokana, dia niaritra teny ivelan'ny vavahady.

Aoka isika noho izany hivoaka hankeo aminy eo ivelan'ny toby, mitondra ny latsany.

Fa eto isika dia tsy manana tanàna maharitra, fa isika dia mitady anankiray ho avy.

²⁶ Tompo Andriamanitra, Izay tompon'andraikitr'ity Teny ity, ary tompon'andraikitr'ity ny fiahiana Azy nandrity'reo taona, mba hahita fa Izany dia tonga aminay tsy nifangaro. Izany no Tenin'Andriamanitra madio, virijiny. Tena tiavinay ao amin'ny fonay Izany amin'izao fotoana izao. Vakio ity lohateny ity, Tompo, ao amin'ny lohahevitra iray ho anay, izao hariva izao; ka izahay, ireo zanaky ny olona, anie hahazo ny fandidian'Andriamanitra. Fa mangataka an'izany amin'ny Anaran'i Jesosy izahay. Amena.

²⁷ Ny lohahevitra ho an'ny—ity hariva ity dia: *Mivoaka Any Ivelan'Ny Toby*. Izany dia tena lohahevitra kely iray, hafahafa kely iray, saingy, fantatrareo, mazàna isika dia mahita an'Andriamanitra ao anatin'ireo zavatra hafahafa. Izao tontolo izao tena miditra tanteraka ao anatin'ny zavatra mahazatra iray, hany ka, ny zavatra tsy mahazatra rehetra avy ao amin'ilay firehana mahazatra, dia lasa hafahafa izany.

Araka ny notoriako teto andro vitsy lasa izay, teto amin'ny tabernakla, teo amin'ny: *Ilay Mahatsikaiky*. Ary ny mpiompy dia mahatsikaiky iray ho an'ilay mpandraharaha; ny mpandraharaha dia mahatsikaiky iray ho an'ilay mpiompy. Ny Kristiana dia mahatsikaiky iray ho an'ilay mpi-...tsy mpino, sy ny sisa. Tsy maintsy lasa adalan'olona anankiray ianareo. Noho izany, ny zavatra rehetra tsy mahazatra, dia izany no manao anareo ho adala kely iray, ho an'ilay—ilay firehana mahazatra.

²⁸ Ary noho izany, ny vahoakan'Andriamanitra, sy ireo Mpaminaniny, ary Ireo—Ireo irany nandrity ny taona, izay nitondra ny Hafany avy ao amin'ny Teny, dia noheverina ho adala, ho an'ilay ety ivelany.

²⁹ Noa dia adala iray, ho an'ilay tontolony ara-tsaina malaza izay nitoriany teny. Noa... Dia adala iray tokoa, ho an'i Farao; niaraka tamin'ny tongony teo amin'ny sezà fiandrianana ary avy eo dia nandao an'izany, ho an'ny andiana mpihosom-potaka iray, araky ny niheveran'izy ireo. Ary Jesosy dia adala iray, ho an'ny olona. Ary ny sisa rehetra tamin'izy ireo izay niasa sy niaina ho an'Andriamanitra, dia noheverina ho adala. Tsy maintsy nivoaka tany ivelan'ny toby izay nananany izy ireo.

³⁰ Hatrany hatrany, izaho dia natao hino fa ny olona dia tsy tonga hatreо amin'i Kristy.

Ankehitriny, eto aho mba hiezaka hanampy amin'ny fomba rehetra izay vitako, ary manao filazana mazava arak'izay fantatro hanaovana azy ireny. Ary miareta miaraka amiko ianareo raha sitrakareo.

³¹ Raha mijery aho ka mitory manerana ny firenena, ary mandinika ny olona, izaho—izaho dia resy lahatra tanteraka fa ny olona dia tsy tonga hatreo amin'i Kristy. Ary mino aho fa ilay fahavaloo no manipy an'io sakana io. Satria, ny antony inoako an'izany, dia tsy Izy no fikendrena izay nitarihana azy ireo. Izy ireo dia na voatarika teo amin'ny—ny—ny dogma iray, na foto-pampianarana iray, na antoko iray, na traikefa, na fahatsapana iray, na zavatra tahaka an'izany, raha tokony ho voatarika teo amin'i Kristy, ilay Teny.

Izany no antony iheverako fa ny olona dia mametraka ny fitodiany Mandrakizay eo ambonin'ny dogma iray, na fahatsapana iray. Ohatra, ny sasany manao hoe, "Nandihy tao amin'ny Fanahy aho. Izaho—izaho niteny tamin'ny fiteny tsy fantatra. Izaho—izaho—izaho nahatsapa afo nandeha nanerana ahy." Ary fantatrateo ve, fa ireo zavatra rehetra ireo dia azon'ny devoly alaina tahaka?

³² Zavatra anankiray fotsiny ihany no tsy azony alaina tahaka, izany dia ny Teny. Tao amin'ilay adi-hevitra, teo aminy sy Jesosy, nandresy azy foana Jesosy. "Voasoratra hoe," ny Teny!

Ary mino aho, amin'izao andro izao, fa ny antony tsy hanatonan'ny olona an'i Kristy, dia satria izy ireo voatarika, ny maro amin'izy ireo, teo amin'ny—ny—ny anaram-piagonana iray. "Tongava ianareo mikambana amin'ny fiangonanay." Na, "Vakionareo ny katesizinay," na, "Inoy ny foto-pampianaranay," na—na rafitra avy amin'ny karazana iray. Voatarika tao amin'ny lâlan-diso izy ireo. Ary ny fihetsik'izy ireo sy ny fiainana izay iainany tsy misy an'i Kristy, manaporofy ny fiainany manokana, dia voamarin'ilay tena zavatra.

³³ Ohatra. Tsy te-handratra ny fihetseham-pon'iza na iza aho. Fa, nandroso sy niverina, nanerana ny firenena, dia nanameloka an'ireo vehivavy izay mitondra volo fohy aho. Izany no Baiboly. Nanameloka an'ireo vehivavy izay manao sorta aho, mampiasa lokon-tarehy. Ary isan-taona dia lasa miha-ratsy ilay izy. Izany no maneho fa misy rantsan-tânana hafa iray, any ho any, mitarika azy ireo amin'ny lâlana hafa iray. Ary tsy mety tonga hatreo amin'i Kristy izy ireo.

³⁴ Ary hoy izy ireo hoe, "Mikambana amin'ny fiangonana iray izahay. Ny fiangonanay dia tsy . . ." Aza manisy fahasamihafana amin'izay inoan'ny fiangonanareo.

Hoy Andriamanitra hoe, "Ratsy izany." Ary raha tena tonga hatreo amin'i Kristy izy ireo, dia ho najanon'izy ireo izany. Ary, tsy izany ihany, fa ho naka ny toerany ny lehilahy raha tonga hatreo amin'i Kristy izy, ka manohitra an'izany. Ireo vady

lahy dia tsy hamela ny vadiny vavy hanao tahaka an'izany. Ny lehilahy tena izy dia tsy tia ny vadiny hanao tahaka an'izany.

³⁵ Lehilahy tanora iray teto amin'ny tanàna, indray andro, no saika hamono tovolahy anankiroa. Teo amin'ny fivarotan-tsolika iray izy ireo. Ianareo vahoakan'i Jeffersonville dia efa nahita an'izany tao anatin'ny gazety. Ary nankeo amin'ny fivarotan-tsolika iray ity tovovavy ity, tsy nisy na inona na inona teo aminy, saiky, mihitsy, ary nipetraka teo ireo tovolahy anankiroa nanao fanamarihana iray. Ary saika novonoin'ilay mpisia ireo zazalahy anankiroa; ka voasambatra izy noho izany, ary nentina tany amin'ny fitsarana. Ary nanontany azy ilay mpitsara hoe, "Nahoana ianao . . . izy no miakanjo tahaka an'izao?"

Hoy izy hoe, "Heveriko fa tena mahafatifaty izy."

³⁶ Ankehitriny, misy zavatra tsy mety amin'io lehilahy io. Tsy ahoako izy na . . . Raha mpanota iray izy, dia misy zavatra tsy mety aminy. Ny fitiavany an'io vehivavy io dia tsy mety ho tena izy, ary mametraka azy any ivelany ho fandrik'alika tahaka an'izany. Misy zavatra tsy mety ao. Tsy mbola tonga teo amin'ny fahafantarana ve ny olona hoe izy ireo dia afaka mitsara eo amin'izay tsara sy ratsy?

³⁷ Efa hitanareo ve ireo akanjo fitondra mandro vaovao izay navoakan'izy ireo? Fantatrareo ve ny toriteniko fa amin'ny farany ireo vehivavy dia ho tonga eo amin'ny ravin'aviavy, telo amby telopolo taona lasa izay? Ary ankehitriny dia ananan'izy ireo ilay mitafy ravin'aviavy, zipo manify. Tsy diso mihitsy ny Tenin'ny Tompo. Hitanareo? Ary izany no tsy maintsy miseho alohan'ilay andro farany mihitsy, tonga eo amin'ny ravin'aviavy iray indray. Namaky an'izany aho tao amin'ny magazina *Life*. Izany dia efa voalaza telo amby telopolo taona lasa izay, talohan'ny nandraisan'ireo vehivavy ny fahalavoany. Voalaza hoe ahoana no hanaovan'izy ireo an'izany amin'izao andro izao, ary eto izy ireo. Toy ny ahoana no hanaovan'izy ireo fitafiana tahaka ny lehilahy, ary ahoana izy ireo no . . . Hiditra eto amin'ity firenena ity ireo faharatsiam-pitondran-tenan'ny vehivavy.

³⁸ Ny ambany indrindra amin'ny firenena rehetra izay misy eto amin'izao tontolo izao, dia ity Amerika ity. Izy no feno loto indrindra amin'ilay andiany. Izany dia arak'ireo antontan'isa. Ny taham-panambadiana sy ny fisaraham-panambadiana dia avo eto amin'ity firenena ity noho ny amin'ny toerana hafa eto amin'izao tontolo izao, ary maka modely ireo firenena hafa. Naka modely avy tao Frantsa isika fahiny, ny fahalotoana sy ny loton'io firenena io, fa ankehitriny dia izy ireo no maka ny fitafiny avy amintsika. Nandeha nihoatra ny fefin'izy ireo isika.

³⁹ Fantattro fa misy antony iray izay tsy hahatongavan'ny olona hatreо amin'i Kristy. Raha tonga izy ireo, dia tsy ho nanao tahaka an'izany izy ireo.

Niaritra teo ivelan'ny toby Jesosy, mba Hahafahany hanamasina ny Olony miaraka amin'ny Ràny Manokana. *Fanamasinana*, dia avy amin'ny teny Grika, mitambatambatra, izay midika hoe, “nodiovina, ary napetraka mitokana ho an’ny asa.” Ary rehefa Andriamanitra no manadio ny Olony amin'ny Ràn'i Jesosy, dia manadio azy ireo avy amin'ny fahalotoan’izao tontolo izao Izy ka mametraka azy ireo mitokana ho an’ny asa.

Ary amin’izany Jesosy koa, mba hahamasina ny olona amin’ny ràny manokana, dia niaritra teny ivelan’ny vavahady.

⁴⁰ Na dia ireo olon'ny Filazantsara Feno aza, dia niverina avy hatrany tao amin'ilay fahazarana izay nivoahan'izy ireo. Inona ilay fiangonana Pentekotista, efapolo na dimampolo taona lasa izay? Nom pain'izy ireo, sy nozoniny, ary nesoindy ireo fiangonana izay nivoahany, ireo anaram-piangonana ireo. Inona no nataon'izy ireo? “Tahaka ny alika iray amin'ny naloany fotsiny, sy ny kisoavavy iray amin'ny fotany.” Niverina avy hatrany teo amin'ilay toerana iray ihany izay nisintonana azy izy ireo, ary ankehitriny ny fiangonan’izy ireo dia faholotoana tahaka ny sisa amin'izy ireo mihitysy.

⁴¹ Zavatra anankiray izany, araka ny nolazaiko aninkeo maraina. Ohatra, ny olona dia tahaka an’izay nolazain'i Petera, ao amin'ny Masindahy—Masindahy Matio 17:4 hatramin'ny 8, izay nilazany hoe, “Tsara ny mijanona eto. Ndao isika hanao tabernakely anankitelo.”

⁴² Fa ny Fanahy no nandrara azy ireo tsy hanao an’izany. Hoy Izy, “Ity ny Zanako malalako; henoinareo Izy,” ary Izy no Teny. Izany Ilay tokony ho jerentsika, ny Teny, fa tsy ny hafanam-pontsika na zavatra hafa. “Izy no Teniko; henoinareo Izy!” Ary inona no hitan'izy ireo rehefa avy niresaka tamin’izy ireo io Feo io? Na dia i Mosesy sy Elia aza tsy nanatrika teo; tsy nisy na dia fanekem-pinoana iray aza; tsy nisy tavela na dia zavatra iray aza ankoatran'i Jesosy irery ihany, ary Izy no Teny. Izay ihany no hitan'izy ireo.

Ankehitriny, “Mivoaka any ivelan’ny toby.”

⁴³ Hitantsika fa teo amin'ny tobin’izy ireo izay nisehoan’io fanararaotra lehibe io, teo amin'ny Tendrombohitra Fiovan-tarehy, araky ny niantsoan'i Petera azy taty aorianana hoe, “ilay tendrombohitra masina,” teo no Nihaonany tamin’izy ireo. Ankehitriny, izaho dia tsy mino fa ny tian'ilay apostoly ho lazaina dia hoe ilay tendrombohitra no masina; ny tiany ho lazaina dia hoe izany no Andriamanitra masina iray teo amin'ilay tendrombohitra.

Tsy ny fiangonana masina izany; tsy ny olona masina izany. Izany dia ny Fanahy Masina ao amin'ny olona. Ny Fanahy Masina no masina. Izy no mpitondra anareo sy mpitarika anareo.

⁴⁴ Ary hitantsika, eo amin’ity toby kely teo an-tendrombohitra ity, Fiovan-tarehy, rehefa voairaka hihaino izy ireo, ny zavatra tokana izay nanirahana azy ireo dia ny hihaino ny Teny. Ny zavatra tokana izay hitan’izy ireo, dia tsy fanekem-pinoana iray. Tsy nahita zavatra hafa afa-tsy Jesosy izy ireo, ary Izzy no Teny tonga nofo.

Tsara tarehy toy ny ahoana izany, ho an'ilay toby iray io ihany izay tao amin’ny sahan’i Edena. Rehefa nanisy manda ny Fiagonany Andriamanitra tao amin’ny sahan’i Edena, ny Olony, dia tao ambadiky ny rindrina tokana no tsy maintsy nitsanganan’izy ireo; izany dia ny Teny. Ampinga tokana no nananan’izy ireo, fiadiana tokana, zavatra tokana, satria fantatr’Andriamanitra izay haharesy ny devoly, ary izany dia ny Teny.

⁴⁵ Jesosy dia nanao an'ilay zavatra mitovy. “Izany no Teny; voasoratra hoe.” Ary Satana dia niezaka ny—ny hampiakanjo an’Izany, tsy hoe hanonona an’Izany; nampiakanjo an’Izany ho Azy. Dia hoy Jesosy hoe, “Fa voasoratra hoe koa.” Ankehitriny, tsy maintsy mijanona amin’ity Teny ity isika!

⁴⁶ Ary tao amin’ity toby kely izay nananan’izy ireo teo ity, dia i Petera, Jakoba, sy Jaona; ary Jesosy, Mosesy, sy Elias. Ary tao amin’ny tobin’izy ireo dia nahita an'ilay tafiky ny Lanitra avy tao amin’ny aloka izy ireo, na ilay Andrin’ny Hazavana nihantona tao anatin’io rahona izay nanova tarehy an’ny Tompo Jesosy io. Ary rehefa vonona ny hanao anarampiangonana iray izy ireo, ny anankiray ho an’ny lalàna, ary ny anankiray ho an’ireo mpaminany, sy ny sisa, dia hoy ilay Feo hoe, “Ity ny Zanako malalako; henoinareo Izzy.” Noho izany, ny amin’izay nanirahana azy ireo, dia mitovy tanteraka mihitsy tamin’izay nisy tao Edena, “Mijanòna amin’ny Teny!” Izany no tobin’Andriamanitra ho an’ny Olony.

⁴⁷ Izany dia toy ny hoe, amin’izao andro izao, ho andro iray izay ivoahan’ny olona any ivelan’ny toby. Ao amin’ny zavatra rehetra, dia mivoaka any ivelany izy ireo.

⁴⁸ Fantatrareo, nilazana aho, indray andro lasa, fa izy ireo dia nanana fiaramanidina matanjaka ankehitriny izay afaka... manao an’ireo tabataba izay rentsika manodidina eto, izay manozongozona ny varavarankely. Izany ilay izy rehefa mandeha haingana loatra ilay fiaramanidina ka mamakivaky ny feony manokana, antsoina hoe rindrin’ny feo. Ary rehefa mivoaka any ivelan’ny rindrin’ny feony manokana izy, dia saiky tsy voafetra izay hataony.

Ary heveriko, ao amin’izany, dia mahazo lesona iray isika. Rehefa mivoaka any ivelan’ny rindrin’ny feontsika manokana isika, miditra ao amin’ny Tenin’Andriamanitra, amin’izay fotoana izay dia tsy voafetra izay azon’Andriamanitra hataao amin’ny olona iray izay vonona ny hivoaka any ivelan’ny toby,

ny tobin'ny olona, izay misy. Ankehitriny, hitantsika izany, mivoaka any ivelan'ny toby, mivoaka any ivelan'io.

⁴⁹ Hitako fa i Satana, ihany koa, dia mitondra ny olony any ivelan'ilay tobin'ny fandanjalanjana, any ivelan'ny—ny—ny tobin'ny—ny fisainana tsotra. Satana dia mitondra ny olony amin'ny làlana hafa, any ivelan'ny toby; Andriamanitra dia mitondra ny Olony any ivelany, amin'ity làlana hafa ity. Ary Satana no nitondra azy ireo tany ivelan'ny tobin'ny fahamendrehana tsotra. Rehefa tonga eo amin'ny toerana iray izany ka ny olona...ary afaka mihetsika sy manao, ary milamindamina amin'ireo zavatra izay ataon'izy ireo amin'izao andro izao mba ho fitondran-tena. Any ivelan'ny eritreritro ny hoe ahoana fa ny lehilahy iray dia afaka manao ny vadiny hivoaka any, miakanjo tahaka an'izany, ary avy eo dia mamelaka olona iray noho ny fanevatevana azy. Any ivelan'ny fisainana tsotra izany. Tokony hahafantatra tsaratsara kokoa noho izany izy. Any ivelan'ny fahamendrehana tsotra! Aiza ilay toeram-pijanonana?

⁵⁰ Lehilahy iray na vehivavy eo amin'ny taonako, afaka manontany anareeo an'izao aho. Ahoana moa raha ny reniko na ny reninareeo, teo amin'ny dimampolo taona lasa izay, no nandeha nivoaka teny an-dàlambe niaraka tamin'ny anankiray tamin'ireo sorta sy bikinis ireo, na inona izay iantsoanareo azy, nanaovana? Ny lalàna no ho naka azy ireo, avy hatrany, ary nametraka azy ireo tany amin'ny toeram-pitsaboana adala. Ny ramatoka iray izay miala ao an-trano tsy manao ny ambonin'akanjony, dia tokony ho any amin'ny toeram-pitsaboana izy, satria misy zavatra ara-tsaina tsy mety ao. Ary raha ara-tsaina ny fanaovana zavatra iray tahaka an'izany tamin'izany fotoana izany, dia azo antoka tokoa fa famantarana iray izany hoe nisy zavatra nitondra ny hadalana. Mbola aretin-tsaina iray foana izany, ny mivoaka any ivelan'ny fandanjalanjana; fahalotoana!

⁵¹ Ary rehefa ny lehilahy iray no afaka mifoka sigara, ka ny dokotera no manaporofa aminy fa an'arivony no maty isan-taona avy amin'ilay antony, nefo mbola misintonia sigara foana, dia toy ny hoe misy zavatra tsy mety amin'ny sain'izany lehilahy izany.

Ary rehefa tratry ny fandonana ara-tsaina ny lehilahy iray, ary izy tsy . . . tsy afaka miverina amin'ny tenany manontolo, dia inona no ataony, hikaroka ny biraon'ny dokotera rehetra izay misy eo amin'ilay firenena izy, mba hahita hoe inona no tsy mety aminy. Fa amin'izay fotoana izay dia hijoro ao amin'ny trano fisotroana na ao anaty fiara izy, ka hisotro mandrapahatonga azy ho marary saina tanteraka; handany ny volany, mba hanosika ny tenany ao anatin'izany. Ary raha sendra ka niditra tao izy tsy nisy fahamamoan-toaka, amin'izay fotoana izay dia handany ny iraimbilanjany rehetra izay hitany izy, ao amin'ny biraon'ilay dokotera, mba hiezaka ny hahita hoe inona no tsy mety aminy. Tsy misy dikany izany.

⁵² Raha nisy papango iray nanidina teo ambonin'ny tanàna, ka naka ny basiko aho, ary nivoaka tao ambadiky ny tokontaniko sy nitifitra an'io papango io, afaka folo minitra avy eo aho dia ho any am-ponja. Hisambotra ahy izy ireo, “Noho—noho ny fitondran-tena manakorontana; mihazona fitaovam-piadiana ao an-tanàna; mampidi-doza ny fiainan'ny olona, miaraka amin'ny basy iray, mitifitra an'ilay papango eny amin'ny habakabaka.” Mety mahafaty olona aho, hoy izy ireo. “Tsy maintsy atokana izy.”

Ary avy eo dia hivarotra toaka betsaka amin'ny lehilahy iray izy ireo mba hahatonga azy ho mamo, ary hametraka azy ao anaty fiara iray izay mety hahafaty fianakaviana iray manontolo mihitsy. Ary rehefa tratra izy, dia hanome izy, dimy dolara ho lamandy. Famonoan'olona voaomana mialoha! Inona no olana amin'izao tontolo izao? Misy zavatra tsy mety any ho any.

⁵³ Ankehitriny, “mivoaka any ivelan’ny toby,” any ivelan’ny fahamendrehana, ivelan’ny fandanjalanjana.

Raha voamarikareo, ireo politisianintsika amin'izao andro izao dia tsy hilaza na inona na inona mikasika ny famakiana ny Baiboly any an-tsekoly. Matahotra izy ireo. Tsy fantatr’izy ireo hoe mitsoka aiza ilay rivotra. Tsy fantatr’izy ireo na ho resy izy ireo amin'ny fifidianana, na tsia. Mila Abraham Lincoln hafa iray isika. Mila John Quincy Adam hafa iray isika. Mila olona iray isika izay hijoro, tsy mijery hoe mitsoka aiza ilay rivotra, ka hanome ny faharesen-dahany marina.

⁵⁴ Amin'izao andro izao, ny mpitory tenin'anaram-piagonana iray, na dia asehonareo aminy aza ny Teny, ny Fahamarinana, dia tsy fantatr’izy ireo izay hatao. Matahotra izy sao dia ho veriny ilay tapakilan-tsakafony. Mila lehilahy sy vehivavy izay mirehitra amin'ny Filazantsara isika amin'izao andro izao, olona iray izay hitsangana ka hilaza ny faharesen-dahany, manondro an'izay tsara sy izay ratsy, na ny Tenin'Andriamanitra no marina na ny anaram-piagonana no marina.

⁵⁵ Hoy Jesosy hoe, “Aoka ny tenin’olona ho lainga, fa ny Ahy no Fahamarinana. Ny lanitra sy ny tany ho levona, fa ny Teniko tsy ho levona mihitsy.”

⁵⁶ Noho izany, hitanareeo, mivoaka any ivelan’ny tobin’ny Tenin'Andriamanitra izy ireo, mba hahita ny valin-tenin’izy ireo. Rehefa izy no... mandresy lahatra azy ireo hivoaka avy ao amin'ny Tenin'Andriamanitra, tahaka ny nataony tamin'i Eva tao amin'ny sahan'i Edena, dia manao an'ilay zavatra mitovy i Satana amin'izao andro izao. Eny ary. Hitantsika izany. Ny olona dia resy lahatra amin'ireo dogmany sy faneke-pinoany hivoaka ny toby, ho amin'ny tobin’ny dogmany sy faneke-pinoany. Izy ireo dia manana toby iray, ihany koa, ary izany no mametraka azy ireo ao anatin’ny tobiny. Ny azy dia tobin’ny fianarana, teolojia, asa, diplaoman’ny dokotera, ara-pianaranana,

ny maha-olona, ny zavatra rehetra izay manohitra ny tobin'ny Tenin'Andriamanitra. Andriamanitra dia manana toby iray ho an'ny Olony. Ny anaram-piagonana dia manana ny tobiny manokana.

⁵⁷ Telo arivo taona lasa izay, dia afaka nihaona tamin'Andriamanitra saiky na taiza na taiza ny olona iray. Zavatra mahazatra iray ho an'ny olona ny mihaona amin'Andriamanitra. Saingy nahoana izy ireo no tsy mihaona Aminy amin'izao andro izao? Betsaka ny olona, olona an'alinaliny sy an-tapitrisany mihoatra noho izay nisy tamin'ny telo arivo taona lasa, kanefa Andriamanitra dia zavatra tranainy iray izay efa noresahana, tantara tranainy iray. Tsy mihaona amin'Andriamanitra izy ireo, mivantana, tahaka ny nihaonan'izy ireo taona maro lasa izay, araka ny nolazaiko, telo arivo, teo amin'ny telo arivo taona lasa izay. Tsy mihaona izy ireo. Tsy mahazatra ny olona ny mihaona amin'Andriamanitra. Raha miresaka mikasika an'izany ny olona iray, dia heverina ho olona adala iray izy, olona iray izay very saina. Tena tsy mahazatra azy ireo izany!

⁵⁸ Ny momba an'i Abrahama sy ny tobiny, nahoana, dia saiky fanararaotra isan'andro ny nihaonan'i Abrahama tamin'Andriamanitra. Niresaka Taminy izy. Tsy izany ihany, fa rehefa nandeha tany Gerara izy ireo, mba hivahiny; mahita isika, tany, fa tao amin'ny toby Andriamanitra niaraka tamin'i Abimeleka, Filistina iray. Zavatra iray tena nahazatra izany. Niaina tao amin'ilay tobin'ny Fanatrehany izy ireo.

Amin'izao andro izao, dia miaina ao amin'ireo tobiny manokana izy ireo, ary tsy misy idiran'izy ireo amin'ny tobin'Andriamanitra. Tsy te-hanao na inona na inona amin'izany izy ireo, satria fanatika loatra izany ho an'ilay izao tontolo izao. Fanatika loatra izany ho azy ireo. Fa, tsarovy, rehefa nanamboatra an'ilay toby voalohany ho an'ny olona Andriamanitra, dia Nampahereziny tamin'ny Teniny izy ireo. Izany foana no Ataony. Fa, amin'izao andro izao, ao amin'ny tobin'izy ireo, dia tsy manao an'izany izy ireo. Izany no antony tsy andrenesanareo betsaka ny mikasika an'Andriamanitra. Ankehitriny, mino aho fa ilay—fa ilay toby . . .

⁵⁹ Tahaka an'i Mosesy, toy ny ahoana no Nihaonany tamin'i Mosesy tany an-efitra. Nanana toby iray i Mosesy tany izay namahananany an'ireo ondrin'ny rafozany, Jetro, tany ambadik'ilay tany efitra. Ary indray andro, ho an'ity mpiandry ondry antitra valopolo taona ity, dia nahita Hazavana iray izy, Andry Afo iray tao anatin'ny roimemy iray, nirehitra. Ary nihaona tamin'Andriamanitra izy; lehilahy iray izay nandositra an'Andriamanitra.

Ny ampitso. Matetika ny fihaonana amin'Andriamanitra dia manao anareo hanao zavatra tsy mahazatra. Tena tsy nahazatra

i Mosesy, ny ampitso. Nametraka ny vadiny teo ambonin'ny laselin'ny ramole iray izy, niaraka tamin'ny zazakely iray teo am-balahan; ary ny volombavany lava nilatsaka, niaraka tamin'ny tehina tsy mahitsy iray teny an-tànanay, nandeha nankany Egypta, mba hifehy an'ilay firenena. Ankehitriny, fijery mahatsikaiky iray izany!

“Ho aiza ianao, ry Mosesy?”

“Ho any Egypta.”

“Hanao inona?”

⁶⁰ “Hifehy an’io!” Nihaona tamin’Andriamanitra izy. Fanafihan’ny lehilahy anankiray. Toy ny tena hafahafa mihitsy ilay izy. Fa, ny zava-nisy, dia vitany ilay izy, satria efa nihaona tamin’Andriamanitra izy. Tahaka ny olona anankiray hifehy an’i Rosia fotsiny; izay ihany no ilainareo, olona anankiray ao amin’ny sitrapon’Andriamanitra. Tao amin’ny sitrapon’Andriamanitra i Mosesy. Ary tehina tsy mahitsy iray no nananany teny an-tànanay, fa tsy sabatra iray; tehina iray. Ireo zavatra tsy mahazatra, izay atao’Andriamanitra.

⁶¹ Fa, tsarovy, tsy maintsy nivoaka an'ilay toby izay niainany i Mosesy, mba hanao an’io, satria efa tany izy niaraka tamin’ny tafika iray manontolo fa tsy afaka nanao an'ilay izy. Niaraka tamin’ireo tafik’i Egypta, dia tsy afaka nanao an’izany izy. Fa indray andro dia nanasa azy ho ao amin’ny Tobiny Andriamanitra.

Hoy izy hoe, “Iza Ianao?”

⁶² Hoy Izy hoe, “IZAHO ILAY IZAHO NO IZY” Tsy hoe, “Izaho efa nisy, na hisy.” Fotoana ankehitriny, “IZAHO NO IZY! Izaho no Andriamanitr’i Abrahama, Isaka, ary Jakoba. Efa Reko ny fitarainan’ny olona, ary Tsaroako ny Fampanantenako, ary izao no fotoana hahatanterahan’izany. Izaho no haniraka anao ho any, ry Mosesy, miaraka amin’iny tehina izay eny an-tananao iny.”

⁶³ Inona izany? Izy, ankehitriny, ny olona dia nihevitra fa adala izy. Fa inona no nataony? Nivoaka avy tao amin’ny tobiny manokana izy. Farao no nampianatra azy nandrity ny efapolo taona tao amin’ilay tobin’ny sekoly, fa tsy nahomby izy. Ary nila efapolo taona hafa Andriamanitra mba hanesorana an’izany tao aminy. Ny fianarany rehetra sy ny teolojiany rehetra izay efa nampianarina azy, dia nila efapolo taona mba hanesorana an’izany tao aminy. Ary avy eo dia nampiasa azy efapolo taona Andriamanitra.

⁶⁴ Manana fotoana sarotra iray Andriamanitra hanomanana ny Lehilahiny. Saingy, hitanareo, Izy dia tsy nahazo mihitsy an’i Mos...nahatazona an’i Mosesy, raha tsy nivoaka avy tao amin’ilay tobiny manokana nataon’olona i Mosesy, avy tao amin’ilay fomba fanaovana azy ara-miaramila, sy ilay fomba

fanaovana azy ara-nofo, mankany amin'ilay fomba fanaovana azy ivelan'ny voajanahary. Avy eo, rehefa niditra tao amin'io toby io izy, dia afaka nampiasa azy Andriamanitra.

⁶⁵ Ankehitriny, dia hitantsika fa tao amin'io an-efitra io... Mahamarika isika rehefa nandray sy naka ny toerany izy ireo, ka nivoaka avy tao Egypta, ho ao amin'ny tobin'Andriamanitra; nivoaka avy tao amin'ny tobin'ireo mpisorona sy ireo rehetra izay nanao hoe, "Amidio ho andevo ny tenanareo, ho an'ny fotoana sisa." Rehefa nidina i Mosesy mpaminany ka nanamarina fa antomotra ilay Tenin'Andriamanitra, hoe teo ilay Andriamanitra Izay nanao ny teny fikasana hanafaka ny olona; niala avy tao amin'ilay toby izay nisy azy izy ireo, ho ao amin'ilay tobin'ny Teny nampanantenain'Andriamanitra ho an'ilay ora. Nino an'io mpaminany io izy ireo, satria ilay famantaran'ny fanamarinana dia nanaporofo fa Tenin'Andriamanitra marina tokoa ilay izy. Ary ireo zavatra izay nataony no nanaporofo fa marina ilay izy, ary nanaraka azy hatrany ilay Andry Afo, nanaporofo fa izany no Tenin'Andriamanitra.

⁶⁶ Ankehitriny, tao amin'io toby io, dia zava-mahagaga, famantarana, ary fahagagana no tao amin'io toby io.

Ireo no namoaka azy ireo ho any an-efitra. Nilaozan'izy ireo ny tobiny ara-nofo. Nilaozan'izy ireo ilay tobim-potaka. Nilaozan'izy ireo ilay toby vita tamin'ny mololo sy biriky, mba hitoetra ao anaty tranolay tany an-efitra, izay tsy nisy voam-bary na zavatra hafa. Indraindry Andriamanitra dia mangataka antsika hanao zavatra adaladala, amin'ny fisainantsika manokana. Ary raha mba miala amin'ilay tobin'ny fandanjanjanareo manokana ianareo, dia izany no toerana hahitanareo an'Andriamanitra.

⁶⁷ Mariho, rehefa nandeha tany an-efitra izy ireo, dia nisy fahagagana, famantarana tany, rehefa nifindra tao amin'io toby io izy ireo. Ankehitriny tsarovy, nandao ny tobin'i Egypta izy ireo ary nifindra nankany an-efitra niaraka tamin'ny tobin'Andriamanitra. Ahoana no ahafantaranareo fa izany ilay izy? Hoy Andriamanitra hoe, "Ny vahoakanao dia hivahiny mandritry ny efajato taona, fa hitondra azy ireo hivoaka amin'ny tñana mahery Aho, ary Homeko azy ireo ity firenena eto ity." Ary nandeha teny amin'ny lñlany izy ireo, tamin'ny alàlan'ny Hazavana voamarina iray, mpaminany voamarina iray, niaraka tamin'ny famantarana, fahagagana, hoe tao amin'ilay toby Andriamanitra, ary nandeha teny amin'ny lñlany izy ireo. Nanana Andry Afo iray izy ireo. Nanana mpaminany iray izy ireo. Nanana mana izy ireo. Nanana rano velona izy ireo. Amena! Nanova izy ireo, nanova fitobiana. Tsy maintsy nanao an'izany izy ireo. Tsy afaka nahita an'ireo zavatra ireo izy ireo tany Egypta. Tsy maintsy nanova fitobiana izy ireo, mba hahita an'ilay ivelan'ny voajanahary.

⁶⁸ Toy izany koa no tsy maintsy hanovan'ny olona amin'izao andro izao ny toby avy ao amin'ireo anaram-piangonana ireo izay manao hoe, "Efa lasa ny andron'ny fahagagana. Tsy misy izany batisan'ny Fanahy Masina izany. Ary diso ireo Soratra rehetra ireo; ary ireo dia nety tamin'ny taona hafa iray." Tsy maintsy manova ny fitobianareo ianareo, mivoaha any ivelan'izany toby izany, ho any amin'izay misy ny zavatra rehetra azo atao.

⁶⁹ Ireo zavatra rehetra ireo dia nanamarina ny Fanatrehany tao amin'ilay toby. Ankehitriny dia mariho tamin'izany fotoana izany, izy ireo, nanao toby iray an'ny fombafomba sy fanekekem-pinoana nataon'olona izy ireo, taorian'ny nahafatesan'i Mosesy. Ary nifanaraka tamin'ny olona nandrity ny taona maro Andriamanitra. Andriamanitra dia tsy ao amin'ny Tobiny, intsony, ao amin'ny tobin'izy ireo, satria nanao toby iray ho azy izy ireo, toby nataon'ny tenany.

⁷⁰ Tsarovy, rehefa nantsoina hivoaka an'i Egypta izy ireo, dia nanomana mpaminany iray ho azy ireo Andriamanitra, nanomana zanak'ondry fanatitra iray ho azy ireo, nanomana an'izay rehetra nilain'izy ireo; teny iray, famantarana iray, fahagagana iray, mpaminany iray hitarika azy ireo, fanaovam-panavotana iray hiahy azy ireo, ilay Andry Afo mba hitarika azy ireo. Ary rehefa niditra tao an-efitra izy ireo, dia mbola tsy afapo foana izy ireo. Nila zavatra iray izay azony natao izy ireo, tamin'ny tenany. Ny fahasoavana no efa nanomana an'izany; ankehitriny dia mila zavatra iray hatao izy ireo, amin'ny tenany, mba hahafahan'izy ireo manao rafi-pandaminana iray, ka hifamaly sy hiady ary hiahiahy, hoe iza no ho mpisoronabe, ary iza no ho *ity, itsy*, na ny *hafa*. Indray andro, hoy Andriamanitra hoe, "Ry Mosesy, saraho amin'izy ireo ny tenanao," ary Nateliny fotsiny izy ireo tao amin'ilay fanoheran'i Kora.

⁷¹ Ankehitriny mariho, ireo famantarana sy fahagagana rehetra ireo no nanamarina ny Fanatrehany.

Avy eo izy dia nanao... lehilahy iray no nanao toby iray ho an'ny tenany, tobin'ny fanekekem-pinoana sy fombafomba iray, fa tsy tobin'Andriamanitra avy amin'ny Teniny. Toby iray ho an'izy ireo manokana! Tsy maintsy nandao azy ireo Izzy, satria Izzy no Teny. Tsy afaka mijanona eo amin'izay misy olona nampianarina any ivelan'ity Teny ity Izzy. Tsy afaka mijanona ao amin'ilay toby Andriamanitra. Tsy afaka Izzy. Tsy nanao mihitsy Izzy. Tsy maintsy mijanona eo amin'izay misy ny Teniny Izzy.

⁷² Rehefa tsy maintsy nandao an'io toby io Izzy, avy eo, avy tao amin'io andian'olona izay Nentiny nivoaka an'i Egypta io, dia nitoetra teo anivon'ireo Mpaminaniny fotsiny ihany Izzy, teo amin'izay nahatongavan'ny Teniny. Ny Teny dia tonga teo amin'ny mpaminany, mba hanamarina an'ilay ora. Nitoetra teo anivon'ireo mpaminany Izzy, ary nanambara

tamin'ireo mpaminany. Toy ny ahoana no nanozonan'izy ireo, ny olona, sy nanozonany an'ilay zavatra. Ary Andriamanitra dia nampianatra azy ireo ny Didiny sy ny fombam-piainana. Ary ny olona dia nanohitra an'izany foana, sy nanenjika an'ilay mpaminany, ary farany dia nitora-bato azy, na nanatsofa azy ho potipotika, ka tsy niraharaha azy.

⁷³ Hoy Jesosy hoe, “Iza tamin'ireo mpaminany no tsy novonoin'ireo razanareo? Iza tamin'izy ireo, ny anankiray marina izay nirahina ho azy ireo?” Ary hoy Izy, “Ny asan'ny rainareo no hataonareo.” Tsy niresaka tamin'ireo kominista Izy. Niresaka tamin'ireo mpisorona Izy, olon'ny anaram-piagonana, Fariseo sy Sadoseo. Ataoko fa tsy hiova betsaka tokoa ny Feony izao hariva izao, ho ratsy kely kokoa fotsiny, angamba, ho azy ireo.

⁷⁴ Ankehitriny hitantsika fa nitoetra teo anivon'ireo Mpaminaniny Izy. Lasa vahiny tamin'izy ireo Izy tamin'izany, satria nitoetra fotsiny teo anivon'ny Teniny Izy, mba hanamarina an'Izany. Ny Baiboly dia nilaza fa miambina eo amin'ny Teniny Izy, mba hanamarina an'Izany. Miezaka hahita olona anankiray Izy.

Raha mba afaka mahazo olona iray manana fo tapany fotsiny Izy, tahaka an'i Samsona. Nahafoy ny heriny ho an'Andriamanitra i Samsona, saingy nomeny an'i Delila kosa ny fony. Izay ilay fomba izay ataontsika matetika, amin'izao andro izao, manome zavatra anankiray fotsiny ho an'Andriamanitra, saingy tsy izy rehetra. Fa, Andriamanitra dia mila ny rehetra, avy amintsika.

⁷⁵ Tahaka ny taratasim-piantohana iray, rehefa mahazo taratasim-piantoana iray ianareo, dia mety mahazo fiarovana feno koa ianareo. Ary izany no atao'ity fiantohana voatahy ity ho antsika. Taratasim-piarovana feno iray izany. Izany no miaro an'izay rehetra ilaintsika eto amin'ity fiainana ity, sy ny fitsanganantsika, ary ny Fiainana Mandrakizay. Mampiditra ny zavatra rehetra izany.

⁷⁶ Mariho, nipetraka tany ivelan'ny tobin'izy ireo Andriamanitra nandrity ny efajato taona. Nahoana? Tsy nanana mpaminany intsony Izy. Nanomboka tamin'ny mpaminany Malakia, ka hatramin'ny mpaminany Jaona, efajato taona, dia tsy nisy fanodinana anankiray an'ilay kodia mba nataon'ny Isiraely. Tany ivelan'ilay toby Andriamanitra. Noroahan'izy ireo Izy, tamin'ny alalan'ireo fanekem-pinoany sy fitiavan-tenany, ary ireo fihafahafany tamin'ny Teny. Efajato taona tsy nisy Teny! Avy tamin'ny mpaminany anankiray ho amin'ny iray hafa, dia nandeha Izy, mandra-pahatongan'ilay mpaminany farany dia i Malakia, ary avy eo dia tsy nisy mpaminany hafa nandrity ny efajato taona.

⁷⁷ Ary avy eo dia tonga teo amin'ny sehatra indray Andriamanitra. Indray andro dia nandeha teo anivon'izy ireo indray Izy, saingy ireo fombafombany no tena naka loatra ny Toerany teo anivon'izy ireo, vahiny iray tamin'izy ireo Izy. Ireo fombafomban'ny razany, nanana ny fanasana an'ireo lovia, sy—sy ny fomba fibangoana ny volony, sy ny fitondrana an'ireo karazam-bokotra eo amin'ny akanjony ambony, ary azo antoka ireo akanjo—akanjon'ny mpisorony; ka—ka ny anankiray dia Fariseo iringiriny, ary ilay anankiray hafa dia Sadoseo. Ary izany no naka ny toeran'ny Teny teo anivon'ireo olona ireo, hany ka, rehefa namangy azy ireo Andriamanitra, dia mpihavy iray Izy.

⁷⁸ Afaka milaza an'izao amin'ny fitiavana sy ny fanajana ve aho, saingy mba hitondrana azy tsara. Mitovy amin'izany amin'izao andro izao. Tsy niova izany na dia kely aza. Rehefa tonga eo anivon'ny olona Izy, amin'ny Heriny sy ny fanehoana, mba hanaporofo fa ny Teniny dia tsy miova omaly, anio, ary mandrakizay, satria Izy no Teny, dia hoy ny olona hoe, "Mpanao hatsarana iray, Belzeboba iray, Jesosy anankiray ihany, na—na zavatra tahaka an'izany." Ny sasany manakilasy anareo any ho any, saingy tsy maintsy ho tahaka an'izany ilay izy.

Hitanareo, isika dia tsy manana mpaminany iray ankehitriny nandritry ny teo amin'ny roa arivo taona teo. Tsy nanana anankiray ireo Jentilisa, fantatrareo; nampanantenaina any amin'ny farany. Ankehitriny, fantatsika izany, amin'ny alàlan'ny Soratra. Isika dia mahafantatra an'izany, ihany koa, amin'ny alàlan'ny tantara fa izany no nampanantenaina antsika.

⁷⁹ Ankehitriny, taorian'ny efajato taona, dia nandeha teo anivon'izy ireo avy hatrany Andriamanitra indray andro. Araka ny Soratra, dia tsy maintsy ho tonga nofo Izy ary honina eo anivon'izy ireo. "Ny Anarany dia hatao hoe Mpanolo-tsaina, Andrianan'ny Fiadanana, Andriamanitra Mahery, Rain'ny Mandrakizay."

Ary rehefa tonga teo anivon'ny olona Izy, dia hoy izy ireo hoe, "Tsy hila an'io Lehilahy io hanapaka anay izahay! Inona—inona no kara-piombonana Entiny? Anaram-piagonana inona no naniraka Azy?" Tsy nanana fiaraha-miasa Izy. Ny fiagonana rehetra izay Nandehanany, dia navoakan'izy ireo Izy. Tsy nisy na inona na inona nilan'izy ireo Azy, satria tsy isan'izy ireo Izy.

Ary tahaka ny tamin'izany, dia toy izany koa ankehitriny! Ny Baiboly no nilaza fa ilay fiagonana Laodikiana dia handroaka Azy any ivelany, ary nandondòna Izy, miezaka ny hiditra. Misy zavatra tsy mety any ho any.

⁸⁰ Ankehitriny, nahoana? Efa nanao ny tobiny manokana izy ireo. Izy ireo, raha nahafantatra ny Teny izy ireo, dia ho nahafantatra hoe Iza Izy. Hoy Jesosy hoe, "Raha ianareo... Zahao ny Soratra, fa ao amin'Izy ireny no heverinareo fa

hanananareo ny Fiainana Mandrakizay. Izy ireo no hany miteny aminareo hoe Iza Aho!” Izany no nolazain’ny Soratra. Ankehitriny, “Izy ireo no manambara Ahy. Ary raha tsy manao an’ireo asa izay nampanantenaina fa Hataoko Aho, raha tsy manao an’ireo asa izay ny Raiko Aho, ny Teny... ‘Tamin’ny voalohany ny Teny, ary ny Teny tao amin’Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika.’ Ankehitriny, raha Izaho izany Olona izany, zahao ny Soratra dia jereo izay tokony Hataoko. Ary raha tsy Fenoko ny fepetra; raha ireo Asako, ireo asa izay ambaran’ny Teny, ny Ray no manambara Ahy, raha tsy manambara izy ireny hoe Iza Aho, amin’izay fotoana izay dia diso Aho.” Marina izany. “Raha tsy mety mino Ahy ianareo, dia minoa ny Teny,” hoy Izy, “ireo asa izay vokarin’ilay Teny.”

⁸¹ Hitanareo, vahiny iray Izy teo anivon’izy ireo. Tsy nahafantatra Azy izy ireo. “Tsy hisy na inona na inona hilanay an’io Lehilahy io, Lehilahy iray hafahafa fotsiny izay teraka tao an-tranom-biby iray tany ho any.” Ary izy ireo dia nino fa ny Reniny dia efa nanana an’io Zazakely io talohan’ny Nahaterahany, na talohan’Izany ho...nanana an’io Zazakely io avy tamin’ny fahaterahana tsy ara-dalàna, raha ny marina. Ary avy eo, izy ireo, hoe talohan’ny nahaterahan’ilay Zazakely, dia nandeha izy ary nanambady an’i Josefa; ary nataony izany mba hanesorana an’ilay marika mainty iray teo aminy, ilay toetrany. “Ary lasa karazana Lehilahy adala iray Izy, satria zaza teraka tsy ara-dalàna Izy, ary izany no antony naha-izy Azy.”

Ary rehefa tonga Izy, dia inona no Nataony? Namotika an’ireo fanekem-pinoan’izy ireo, nandrodana ny latabatr’izy ireo, nikapoka azy ireo hiala teo amin’ilay toerana, ary nanao hoe, “Voasoratra hoe!” Amena! Izany dia efa tokony hiteny hoe Iza Izy. “Voasoratra hoe!”

⁸² Eny, tsy nisy na inona na inona nilan’izy ireo ny Lehilahy tahaka an’izany. Fa tao am-pon’izy ireo lalina tao, dia fantatr’izy ireo hoe Iza Izy, satria i Nikodemosy no nanambara an’izany mazava. “Raby, izahay, ny Fariseo, dia fantatray fa mpampianatra iray avy tamin’Andriamanitra ianao, satria tsy misy olona mahay manao an’ireo zavatra izay ataonao ireo raha tsy Andriamanitra no momba azy.” Nahoana izy ireo no tsy niaiky Azy tamin’izany? Satria efa nametraka ny sisin-taniny ireo tobiny. Izany no tsy namela Azy hiditra tao amin’ilay toby. Izany no tsy namela ny olona hivoaka hankeo Aminy. Nanana ny tobiny manokana izy ireo. Tonga tamin’ny alina izy, rehefa tena nihidy tsara ny vavahady. Saingy hitany fa izy dia afaka, nihaona Taminy, na izany aza.

⁸³ Eny, mitovy ankehitriny! Izy ireo dia... Lasa vahiny iray Izy, mphavy. Tsy azon’izy ireo Izany. “Nahoana *ity* no hisy, ary nahoana *itsy* no hisy?” Nefa, ny Teny Izy tenany no manambara

fa io marina tokoa no natao ho vita amin'izao andro farany izao. Toy ny ahoana no nandalovantsika an'izany, hatrany hatrany, nefà izany no Fahamarinana.

⁸⁴ Izy dia, ho azy ireo tao amin'ny tobiny, "Fanatika iray, mpandrava ny fombafombany, mpanakorontana an'ireo fiangonany, tena mpanao hatsarana tokoa, mpanompo fanahy antsoina hoe 'Belzeboba.' Izany Izy."

Ary mino aho, fa raha tonga eto anivontsika Izy amin'izao andro izao, dia ho ilay zavatra mitovy ihany Izy, amintsika. Satria, isika dia manana fombafomba, isika dia manana anaram-piangonana, satria isika aza dia tsy afaka mifananaraka akory. Nahoana? Toerana iray ihany no azon'ny olona hifanarahana, izany dia, eo ambanin'ny Rà nararaka. Ary ny Rà dia nararaka, tahaka ny tsimok'aina iray, mba hampahalonaka an'ity Voa ity, ny Teny. Ny ankoatran'izany, ireo sakan'ny anaram-piangonantsika dia hampanalavitra ny olona foana.

⁸⁵ Fa ho vahiny iray Izy amin'izao andro izao. Hantsoina amin'ilay zavatra mitovy ihany Izy. Hohetsehina Izy, horoahina hivoaka ny toby Izy. Ary efa fantatrareo ve... Ilay Baiboly iray ihany izay nilaza fa ho lavin'ny olona Izy, "Lehilahin'ny alahelo, zatra fahorian," ka nolavin'izy ireo, "ary isika dia nanao Azy ho nokapohina sy nampahorian'Andriamanitra," ilay tena Soratra izay niteny an'izany. Ilay tena mpaminany izay nihira hoe, "Andriamanitro, Andriamanitro, nahoana no nahafoy Ahy Ianao? Ireo Taolako, mandinika Ahy izy ireo. Nofantsihan'izy ireo ny Tànako sy ny Tongotro." Rehefa nihira an'izany hira fiderana izany izy ireo tao amin'ny fiangonana; ilay Fanatiny, ilay Andriamanitra izay noheverin'izy ireo fa notompoiny, dia nohomboan'izy ireo.

Toy izany koa amin'izao andro izao, ilay tena Andriamanitra!

⁸⁶ Jereo izay nolazain'ilay mpaminany, Amosa, rehefa tonga tao Samaria izy. Ary ireo masonry kely dia niha-kely raha tonga teo amin'izany izy ary nahita an'ilay tanàna mpanota, ireo vehivavy nipetraka teny an-dàlambe, niaraka tamin'ny lehilahy, Amerika moderina iray. Rehefa njery an'izany izy, dia niha-kely ny masonry. Ary tsy nanana olona iray nanohana azy izy. Tsy nanana kara-piombonana izy. Andriamanitra no namiraka azy. Nihaino ny Hafany ve ny olona? Tsia, tsy nihaino azy izy ireo. Fa naminany izy, ary hoy izy hoe, "Ilay tena Andriamanitra izay lazainareo fa tomoinareo no handrava anareo."

Ary izaho dia milaza, amin'ny Anaran'i Jesosy Kristy: Ilay tena Andriamanitra izay lazain'ity firenena ity fa misy, firenena iray mpivavaka, ilay tena Andriamanitra izay lazain'izy ireo fa tomoina no handrava azy ireo ao anatin'ny helony. Handrava ny anaram-piangonana rehetra hiala eto amin'ny tavan'ny tany Izy, ilay lazain'izy ireo fa tomoina.

⁸⁷ Noho izany, mariho, nananatra azy ireo Izy, ary dia navoakan'izy ireo tany ivelan'ny tobiny Izy. "Niaritra tany ivelan'ny toby Jesosy." Navoakan'izy ireo tany ivelan'ny toby Izy, tany ivelany, tany ivelany lavitra an'ireo tobiny.

⁸⁸ Hitantsika fa ny Baiboly dia nilaza, amin'izao andro farany izao eo ambanin'ity Taona Laodikiana ity, fa hanao an'ilay zavatra mitovy izy ireo. Havoaka any ivelan'ny toby izy ireo.

Ankehitriny diniho izay Lazainy fa hatao ankehitriny, eto am-pamaranana.

"Navoaka any ivelan'ny toby," teo amin'izay nandorana an'ireo fanatitra. Teo no nisy Azy. Izy no Fanatitra.

⁸⁹ Ankehitriny, rahalahy, ranabavy, mba fantatrareo ve fa ny tsirairay avy aminareo rehetra dia tsy maintsy atao fanatitra; tsy maintsy ho fanatitr'Andriamanitra ianareo; manao fanatitra an'ireo zavatr'izao tontolo izao; manao fanatitra an'ireo sitraponareo manokana avy amin'ity izao tontolo izao ity; manao fanatitra an'ireo zavatr'izao tontolo izao? Fantatrareo ve ny antony tsy hanaovan'ny olona an'izany?

⁹⁰ Fantatrareo, ny ondry iray, ny ondry iray dia tsy manana afa-tsy zavatra anankiray hatolotra, ary izany dia ny volon'ondry. Ary, ankehitriny, tsy nangatahana izy hamokatra na hanamboatra volon'ondry iray ho an'ity taona ity. Nangatahana izy hamok-...hitondra volon'ondry.

Tsy nangatahana isika hanamboatra zavatra. Nangatahana isika hitondra an'ireo vokatry ny Fanahy. Izany hoe, ny ao anatin'ilay ondry, izay maha-izy azy ao anatiny, no manao an'ilay volon'ondry ety ivelany. Ary rehefa ny olona iray no manana an'i Kristy ao anaty, dia izany no manao azy hitovy amin'i Kristy ety ivelany, fa tsy zavatra iray noforonina.

⁹¹ Eny, hitantsika rehefa miseho izany, rehefa miverina Kristy, toy ny ahoana no nanaovana Azy? Tena tahaka azy tany amin'ny voalohany marina mihitsy. Toy izany foana ilay izy.

⁹² Noho izany, tena nananatra azy ireo Izy, ka navoakan'izy ireo tany ivelan'ny Tobiny izy ireo, ary nanao Azy ho mpanota iray. Ka, "Lasa ota ho antsika Izy."

⁹³ Ankehitriny, taorian'ny an-jatony taona, eny, saiky roa arivo taona, dia namangy ny tobin'izy ireo indray Izy, araka ny Teniny nampanantenaina fa Hataony amin'ny andro farany. Namangy an'ilay toby indray Izy. Namangy an'ilay toby Izy, mba haneho an'ity Teny ity amin'izao andro izao.

Tahaka ny Namangiany indray tamin'izany andro izany mihitsy, sy ny Nataony tamin'ny andron'i Mosesy. Tsy i Mosesy no nanao an'izany; Mosesy dia lehilahy iray. Kristy izany.

⁹⁴ Jereo i Josefa, ilay fiainana; tian'ilay ray, nankahalain'ireo rahalahiny, satria mpahita iray izy. Ary nankahala azy izy

ireo, tsy nisy antony. Izay ihany no antony nahafahan'izy ireo nankahala azy.

Tandindona tanterak'izao andro izao, marina tokoa. Ilay fiangonana, indray, izy ireo dia mankahala an'ilay zavatra arapanahy.

Ary hitantsika fa namidy teo amin'ny volafotsy telopolo izy, natao ho faty. Nalaina ary natao tao anatin'ny trano figadrana iray; tahaka an'i Jesosy teo amin'ny hazo fijaliana. Lehilahy iray very, ary lehilahy iray voavonjy; ary nesorina avy tao ho eo antanana ankavanana'i Farao. Izany marina tokoa no nanaovana an'i Jesosy.

⁹⁵ Nisy an'i Davida, ary nandeha teny an-dàlambe, nitomany, mpanjaka nolavina; ary nipetraka teo an-tendrombohitra, nitomany an'i Jerosalema. Tsy Davida izany. Ilay Zanak'i Davida, an-jato taonany vitsy taorian'izany, no nipetraka teo amin'ilay havoana iray ihany ary nitomany satria Izy dia Mpanjaka nolavina teo anivon'ireo Olony Manokana. Kristy izany, isan'andro.

Ary, amin'izao andro izao, rehefa naminaniana fa tsy maintsy tonga ao amin'ilay toby Kristy, dia fantatrareo ve izay nitranga? Hitovy marina mihitsy tahaka an'ilay izy tamin'izany fotoana izany. Tsy maintsy ho toy izany ilay izy, mba hahatanteraka an'izay ampanantenain'ny Teny eto fa Hataony.

⁹⁶ Ankehitriny tsarovy, Kristy dia tao amin'ny taonan'i Noa. Kristy izany, "Jesosy Kristy no tsy miova omaly, anio, ary mandrakizay," ilay Teny nolavina an'ilay ora.

⁹⁷ Mariho, ary ny Faminianiany ao amin'ny Apokalypsy 3, dia mahita, rehefa tonga Izy amin'izao andro farany izao, araka ny Naminaniany fa ho avy Izy amin'izao andro farany izao. Ary ahoana no Nahitany an'ilay fiangonana tao Laodikia? "Manan-karena, tsy mila na inona na inona." "Ary nipetraka ho mpanjakavavy ka tsy afaka mahita alahelo." "Ary namoaka Azy tany ivelan'ilay fiangonana," tsy nisy nilàna Azy. Nivoaka tany ivelan'ny toby indray Izy. Fa tamin'izay fotoana izay dia tsy fantany fa izy dia nitanjaka, jamba, sy ory; nefo tsy nahafantatra an'izany.

⁹⁸ Izao indray, raha tonga indray Izy amin'ny fomba izay naха-изи Azy tamin'izany fotoana izany, dia hananatra ny vehivavy rehetra izay manao sorta Izzy. Hananatra an'ireo vehivavy rehetra manapa-bolo Izzy, ny tarehy miloko rehetra, ny lehilahy rehetra izay ho lasa ambany kely ka hamela ny vadiny hanao an'izany. Mbola hanao Izzy. Amin'izay fotoana izay dia hamotika ny anaram-piagonana rehetra izay nisy Izzy, ary handrava ny fanekem-pinoana rehetra izay nananantsika. Mino ve ianareo fa hanao an'izany Izzy? [Hoy ny fiangonana hoe, "Amena!"—Mpand.] Azo antoka fa hanao Izzy. Marina izany.

⁹⁹ Inona no hanaovan’izy ireo Azy? Havoakany any ivelan’ny toby Izy. Azo antoka fa tsy hiara-hiasa Aminy izy ireo. Tsia, tompekoko!

¹⁰⁰ Ankehitriny dia hitantsika indray Izy, amin’izao andro izao, araka ny nolazain’ny Baiboly fa haha-izy Azy, havoaka any ivelan’ny toby. Satria mijanona tsy miova Izy, ny Teny, tsy miova omaly, anio, ary mandrakizay.

¹⁰¹ Izy ireo—izy ireo dia tsy mila Azy. Nolavin’izy ireo indray Izy, miaraka amin’ny fiombonamben’izy ireo. Ho tian’izy ireo kokoa, amin’izao andro izao, tahaka ny nataon’izy ireo tamin’izany rehefa teo amin’ny fitsarana Izy. Ary amin’izao andro izao, rehefa eo amin’ny fitsarana ny Teny, dia inona no mitranga? Nandà indray izy ireo tahaka ny nataon’izy ireo tamin’izany, ary nanaiky Barabasy iray, mpamono olona iray, raha tokony ho Kristy. Ilay fiombonambe dia hanao an’ilay zavatra mitovy. Ary, amin’izao andro izao, satria nolavin’izy ireo ny Teny sy ilay fanamarinana tanteraka an’ilay ora, dia nivarotra ny tenany izy ireo ary tia kokoa Barabasy anankiray, ilay Fiombonamben’ny Fiangonana Maneran-tany, mpamono ny Teny. [Elanelana tsy voaraki-peo—Mpand.]

¹⁰² Nandà ny Teniny izy ireo, nandà ny Batisany, nandà ny Heriny, nandà ny Famantarany. Ary miaraka amin’ny fanekem-pinoana na fombafomba iray indray, manao an’ireo vozon’akanjo mivadika, sy ny sisa, manao fanekem-pinoana ho an’ny tenany, sy ny sisa, miezaka izy ireo ny manao an’izany, eo amin’ireo asa soa. Tsy voalahatra ho amin’ny Fiaianana izy ireo, hatrany am-boalohany. Tsy manana na inona na inona hinoana izy ireo.

“Izay mahafantatra Ahy, dia mahafantatra ny Raiko. Ary tahaka ny nanirahin’ny Ray Ahy, dia toy izany koa no Anirahiko anareo.” Ilay Andriamanitra izay naniraka an’i Jesosy no niditra tao amin’i Jesosy. Ary ilay Jesosy izay maniraka anareo no miditra ao aminareo. “Izay mino Ahy, ireo asa izay Ataoko no hataony koa. Mandehana ianareo mankany amin’izao tontolo izao, ka mitoria ny Filazantsara amin’ny olombelona rehetra,” maity, mavo, fotsy, volontany, na mety ho inona izy. “Izao famantarana izao no hanaraka an’ireo izay mino.” Hatraiza? “Izao tontolo rehetra izao, ary amin’ny olombelona rehetra.”

¹⁰³ Mpitoriteny Batista kely iray, vao tsy ela akory izay tany Tucson, no nanatona ahy, nanao hoe, “Rahalahy Branham, izao ny olanao. Ianao dia miezaka manao an’izao ho taona apostolika iray.” Hoy izy hoe, “Tsy misy an’izany karazana taona apostolika izany amin’izao andro izao. Efa tapitra ny taona apostolika.”

¹⁰⁴ Hoy aho hoe, “Izany ve? Tsy nahafantatra an’izany aho.”

Avy eo dia hoy izy hoe, “Eny, izany ilay izy.”

Hoy aho hoe, “Azonao antoka ve?”

Hoy izy hoe, “Azo antoka. Azoko antoka,” hoy izy.

“Eny àry,” hoy aho, “ahoana no iheveranao fa efa tapitra izany?”

Hoy izy, “Ho an’ireo apostoly izany.”

¹⁰⁵ Hoy aho hoe, “Petera no nilaza, tamin’ny Andron’ny Pentekosta. Mino ny Teniny ve ianao?”

“Eny, tompoko.”

¹⁰⁶ “Hoy izy hoe, ‘Mibebaha, ny tsirairay avy aminareo, ary aoka hatao batisa amin’ny Anaran’i Jesosy Kristy. Fa ity teny fikasana ity dia ho anareo, sy ho an’ny zanakareo, sy ho an’ny zanaky ny zanakareo, ary ho an’ireo izay lavitra, na iza na iza hantsoin’ny Tompo Andriamanintsika.’”

¹⁰⁷ Io teny fikasana iray io ihany, tsy maintsy miverina amin’io isika! Nanoratra taratasim-panafody iray ny Dokotera Simona Petera. Hoy ny Baiboly hoe, “Tsy misy balsama ve any Gileada? Tsy misy mpitsabo ve any?”

Eny, fantatrareo, raha maka taratasim-panafodin’ny dokotera iray ianareo. Rehefa hitany ny aretina izay ao amin’ny vatanareo, ka manoratra an’io taratasim-panafody io izy; tsaratsara kokoa ho anareo ny manatanteraka an’io, mitady mpivarotra fanafody tena izy izay hanatanteraka an’io amin’ny fomba nanoratana azy. Satria, tsy maintsy hanisy poizina betsaka ao izy, ary fanefittra betsaka, betsaka arak’izay hilain’ny rafitrareo. Hitanareo, izy... Efa nandramana sy voaporofy izany, ary tsy maintsy raisinareo io taratasim-panafody io. Raha tsy izany ianareo, dia hamela dokotera sandoka iray ianareo handeha hanova an’izany, izay tsy mahafantatra akory hoe ahoana no hamarana tsara an’io fanafody io, hamono anareo izy. Ary raha malefaka loatra no ataony ao, dia tsy hahasoa anareo izany.

¹⁰⁸ Ary izany ilay olana aminareo dokotera marobe. Manova an’ilay taratasim-panafody ianareo!

Hoy i Petera hoe, “Hanome anareo taratasim-panafody mandrakizay aho, ho anareo, sy ho an’ny zanakareo, ary ho an’ireo izay lavitra, na iza na iza hantsoin’ny Tompo Andriamanintsika.” Tsy hoe, “Tongava dia mikambàna.” Fa, “Mibebaha, ny tsirairay avy aminareo, ary aoka hatao batisa amin’ny Anaran’i Jesosy Kristy ho famelàna ny fahotana, ary ianareo handray an’ireo vokany,” amena, “ny Fanahy Masina. Fa ny teny fikasana, ity taratasim-panafody ity, dia ho anareo, sy ho an’ny zanakareo.”

Ankehitriny, ny sasany aminareo dokotera sandoka ireo, ajanony ny fanoratana taratasim-panafody diso. Hitanareo? Mamono ny olonareo ianareo. Ah-hah. Izany no antony tsy mahatonga an’ilay tena Zavatra eo amin’izy ireo. Eny.

¹⁰⁹ Fantatrareo, eo amin'io taratasim-panafody iray io ihany, toy ny ahoana no hitadiavan'ilay dokotera ny fanafodiny. Izy ireo dia maka foana ary... Ireo siantifika dia miezaka ny hahita zavatra iray, avy eo dia omen'izy ireo ho an'ny kisoadia iray izany, ary jereny raha mahavono azy ireo izany na tsia.

Ary avy eo, fantatrareo, ny fanafody, dia misy risika iray alaina. Ianareo, mety ho salama ianareo, nefo mety hamono anareo koa izany, hitanareo, satria ny olona rehetra dia tsy mitovy amin'ny kisoadia, angamba.

Noho izany, saingy misy zavatra anankiray mikasika an'ity taratasim-panafody ity, ho an'ny rehetra izany.

¹¹⁰ Ary, avy eo, ny dokotera tena tsara rehetra izay tsy... manana finoana betsaka amin'ny fanafodiny manokana, dia tsy hanontany olon-kafa izy. Ny sasany amin'izy ireny dia kanosa loatra ny haka mpigadra mandra-pahafaty iray, ka hanafaka azy avy eo raha mahatanty an'izany izy, hamela azy haka an'ilay taratasim-panafody.

¹¹¹ Fa, eo amin'ity toerana ity, dia nahazo tena Dokotera iray isika. Tonga Izy, nandray an'ilay taratasim-panafody, ny Tenany. Hitanareo? "IZAHO NO IZY." Tsy hoe, "Izaho no ho izy." "Izaho no fananganana sy Fiainana," hoy Andriamanitra. "Izay mino Ahy, na dia maty aza izy, dia ho velona indray. Ary izay velona ka mino Ahy dia tsy ho faty mihitisy." Marta dia nilaza... Hoy Izy hoe, "Mino an'izany ve ianao?"

¹¹² Hoy izy hoe, "Eny, Tompo, mino aho fa Ianao no Kristy izay ho tonga eto amin'izao tontolo izao. Tsy mampaninona na inona na inona iantsoan'ny sisa amin'izy ireo Anao, izaho no nahita an'ilay izy!"

¹¹³ Teo Kalvary, dia Izy no naka an'ilay tsindrona, ny Tenany. Ary tamin'ny marainan'ny Paska, dia tsy afaka nihazona Azy ny fahafatesana. "Izaho no fananganana sy Fiainana." Notsindronin'izy ireo fahafatesana Izy, fa nitsangana Izy, nandresy ny fahafatesana, ny helo, ary ny fasana. Izy no naka an'ilay tsindrona, ny Tenany.

Ary naniraka an'ireo dokotera sasany Izy mba hanoratra taratasim-panafody iray, dia izay nanana ny fanambarana hoe Iza Izy.

"Ataon'ny olona ho Iza moa Aho ilay Zanak'olona?"

¹¹⁴ Hoy i Petera hoe, "Ianao no Kristy, ilay Zanak'Andriamanitra velona."

¹¹⁵ Hoy Izy hoe, "Sambatra ianao, ry Simona. Azonao ilay izy ankehitriny. Omeko anao ny fanalahidin'ny Fanjakana. Na inona na inona fatoranao eto an-tany, dia ho Fatorako izany any Andanitra. Raha mamaha ianao eto an-tany, dia ho Vahako izany any An-danitra."

¹¹⁶ Ary tamin'ny Andron'ny Pentekosta, rehefa hitan'izy ireo fa niseho io rehetra io, dia nilaza izy . . . Hoy izy ireo hoe, "Inona no azonay hatao hahazoana an'io fanindronana io?"

¹¹⁷ Teo izy no namaky an'ilay taratasim-panafody. Hoy izy hoe, "Ankehitriny dia hanoratra taratasim-panafody iray aho. Izany dia ho anareo, sy ho an'ny zanakareo, ary ho an'ireo izay lavitra, na iza na iza hantsoin'ny Tompo Andriamanintsika."

Aza manova an'ilay taratasim-panafody; ho faty ianareo! Ataon'izy ireo ho tena malefaka izany, amin'izao andro izao, hany ka tsy misy afa-tsy ranon'anaram-piangonana iray sisa, marina izany, ranon-javatra ahosotra no atsindron'izy ireo amin'ny olona iray mba hanao azy ho maty kokoa.

Oh, fa, rahalahy, misy hosotra tena izy iray! Misy balsama iray ao Gileada. Izany dia ho an'ny fanasitranana ny fanahy. Aza manova an'ilay taratasim-panafody. Raiso fotsiny amin'ny fomba nanoratana azy ilay taratasim-panafody, fa voatery amin'ny Teniny Andriamanitra; tsy voatery amin'ny fanekem-pinoana, na ny dogma, na ny anaram-piangonana. Voatery amin'ny Teniny Izy. Araho ilay taratasim-panafody, izany no fototra voalohany. Manomboha, dia ho voaray ianareo amin'izay fotoana izay ary vonona ny handeha hiasa.

Mariho, "ivelan'ny toby"

¹¹⁸ Nifidy Barabasy iray izy ireo amin'izao andro izao. Rehefa nandalo nandroso sy niverina ny Filazantsara, nanodidina an'izao tontolo izao, famantarana lehibe sy fahagagana no nanaraka an'ilay fifohazana, saingy, raha tokony ho niditra sy niezaka nanao an'ilay izy, dia nikambana avy hatrany tamin'i Barabasy izy ireo. "Alohan'ny hananantsika an'io hadalana io, sy ny sisa, ao amin'ny fiangonantsika, dia ho filamatra tahaka ny sisa amin'izy ireo isika." Ankehitriny dia manana an'i Roma sy izy rehetra mitambatra izy ireo, Barabasy iray. Mariho, isika dia ao amin'ilay toby lehibe amin'izany fotoana izany.

¹¹⁹ Asaina isika hivoaka any ivelan'io toby io. "Jesosy koa, mba Hahafahany hanamasina ny olona amin'ny Râny Manokana, dia niaritra tany ivelan'ny vavahady. Aoka isika hankeo Aminy eo ivelan'ny vavahady," diniho, "mitondra ny Latsany."

¹²⁰ Inona no nandatsana Azy? Tsy hoe satria Izy Metodista na Batista, hanome toky anareo an'izany aho; tsy hoe satria Izy Fariseo na Sadoseo. Satria Izy no Teny voamarina.

¹²¹ "Mitondra ny Latsany," ho an'ny (inona?) ny Teny voamarina. Marina izany. Izany no Nataony. Hoy Izy hoe, "Raha tsy manao ny asan'ny Raiko Aho, dia aza mino Ahy; raha tsy Izaho no valin'ireo fanontanian'ny Soratra rehetra."

¹²² Jesosin'ny Testamenta Vaovao no Jehovah-n'ny Taloha. Tena marina tokoa! Mino aho, araka ny nolazaiko taminareo tetra ankehitriny, andro vitsy lasa izay, na tany amin'ny favoriana iray

tany ho any. Mety tsy ho teto ilay izy. "Jehovah-n'ny Testamenta Taloha no Jesosin'ny Vaovao." Tsaroanareo ilay—ilay—ilay...

Rehefa nandeha nihaza vontsira aho ilay maraina, ary teo ilay izy, ireo vatan-kazo telo lehibe lasa anankiray tany, teo amin'ilay tendrombohitra mihitsy; nijoro teo aho njery an'izany. Ary nanatona akaiky aho ka nanala ny satroko, nametraka ny basiko, niakatra teo. Ary Feo iray no nanozongozona an'ireo hazo, nanao hoe, "Jesosin'ny Testamenta Vaovao no Jehovah-n'ny Taloha. Mitoera mahatoky." Koa teo ambany teo mihitsy no nisehoan'ireo vontsira, tamin'izay fotoana izay, tonga teo amin'ny fisiana nefa tsy nisy anankiray teo. Hitanareo? Izany no Fahamarinana. Hitanareo? Marina izany. Noho izany, Andriamanitra no mahafantatra, Izay itsanganako eo anoloana, fa izany no Fahamarinan'ilay izy. Marina izany. Izany no Fahamarinana.

¹²³ Tany Kentucky mihitsy; ary misy an'ireo olona izay mipetraka ato mihitsy izao hariva izao, no nanatrika rehefa nitranga indray izany, ilay zavatra mitovy. Eny. Fantatsika fa izany no Fahamarinana; Jesosin'ny Testamenta Taloha!

¹²⁴ Tahaka an'ireo vahoaka Sinoa rehefa tonga teto voalohany, dia tsy nahay namaky na nanoratra ny fitenintsika izy ireo, saingy mpanasa lamba malaza izy ireo. Ary noho izany izy ireo dia... Nandeha tany amin'ireo fanasan-damba Sinoa ianareo. Izy dia naka fotsiny an'ireo baoritra kely madio, fotsy. Tsy nahay namaky zavatra anankiray izy, ary fantany fa tsy hahay hamaky an'ilay izy ianareo raha manoratra an'izany izy. Noho izany, rehefa tonga ianareo, dia hanome an'io sombin-taratasy kely fotsy io fotsiny izy, zavatra anankiray mitovy amin'ity, atao hoe, eto mihitsy, ary rovitiny izany amin'ny fomba iray tahaka an'izao. Ankehitriny, omeny anareo ny sombin-taratasy anankiray, ary tazoniny ilay sombin-taratasy iray hafa. Ary avy eo rehefa miverina ianareo ho an'ny lambanareo, dia hoy izy hoe, "Avelao aho hahita ny sombin-taratasinao." Ary alainy izy ireo; raha mitovy izany, dia izay ilay izy. Azonareo ireo akanjo malotonareo lasa madio.

¹²⁵ Ary Jesosy dia nitovy tamin'ny faminaniana rehetra; ny endrika rehetra an'i Jehovah-n'ny Testamenta Taloha dia Jesosin'ny Vaovao. Nitovy Izy tamin'ny zavatra rehetra.

Mamelà ahy hilaza an'izao amin'ny fahatahorana sy fanajana masina, fa fitiavana, fa fahatsoram-po amin'ny fahafantarana an'izay hijoroako. Ny Hafatr'izao ora izao dia nitovy tamin'ny zavatra rehetra izay notenenin'ny Baiboly ho an'izao ora izao. Ankehitriny, raha manana lamba maloto maro ianareo, ampidiro ao izany. Ah-hah. Voasasan'ny Ràn'ny Zanak'ondry ve ianareo?

¹²⁶ Mariho, "mitondra ny Latsany," satria Izy no Teny voamarina. Tahaka ny tamin'izany, dia toy izany koa

ankehitriny, Izy no tsy miova omaly, anio, ary mandrakizay. Hebreo 13:12 sy 13. Hitantsika ny Hebreo . . . 8, 13:8, ihany koa. “Mitondra ny Henatrany,” an’ny Filazantsara.

¹²⁷ Mitondra ny Anarany! Hoy Izy hoe, “Tonga tamin’ny Anaran’ny Raiko Aho.” Inona ilay Anaran’ny Ray? Tonga tamin’ny Anaran’ny Rainy Izy. Hoy Izy, “Tonga tamin’ny Anaran’ny Raiko Aho fa ianareo no tsy nandray Ahy.” Eny? Inona ilay Anaran’ny Ray? Ataoko fa tokony hahafantatra ianareo. Hitanareo?

Mitondra ny latsan’ny Teny. Nentina tany ivelan’ny tobin’izy ireo foana Izany. Noroahan’izy ireo Izany. Hihomehezana ianareo, ary ho esoina.

¹²⁸ Ary, amin’izao andro izao, rehefa nanomboka nitety voalohany ny firenena aho . . . Tsy miresaka ny tenako aho; azafady aza mihevitra an’izao ho an’ny olona iray manokana. Fa, lasa ny fotoanako, ary manana eo amin’ny pejy folo eo aho eto. Azonareo jerena izay tavela eto, hitanareo, hitanareo, eny àry, an’ireo naoty. Fa, henoy. Nanomboka voalohany . . .

¹²⁹ Efa voamarikareo ve Jesosy rehefa nanomboka voalohany Izy? “Oh, ilay Raby tanora. Oh, Lehilahy iray mahafinaritra Izy! Tongava aty aminay. Tongava mitory teny aminay.”

¹³⁰ Fa indray andro dia nipetraka teo amin’izy ireo Izy, ary hoy Izy hoe, “Raha tsy mihinana nynofon’ny Zanak’olona ianareo, ary misotro ny Ràny, dia tsy manana ny Fiainana ao anatinareo ianareo.”

¹³¹ Inona no heverinareo ho noeritreretin’ireo dokotera sy olona mahay marobe? “Vampira io Lehilahy io.” Hitanareo? “Tiany hisotro ràn’olombelona ianareo. Mahery loatra izany ho anay. Ialao lavitra Izy. Ireo—ireo mpisorona dia nilaza fa adala Izy; mino an’izany aho.” Ary ny Baiboly dia nilaza fa lasa izy ireo.

¹³² Avy eo dia nanana mpitoriteny fitopolo voatendry Izy. Ary hoy Izy hoe, “Tsy afaka mihazona azy ireo Aho.”

Noho izany dia nitodika tany amin’izy ireo Izy, hoy Izy hoe, “Inona no holazainareo rehefa mahita ny Zanak’olona miakatra ho any An-danitra izay Nihaviany ianareo?” Ankehitriny, tsy nanazava an’ireo zavatra ireo mihitsy Izy. Navelany nipetraka tsara fotsiny izy ireo. Hitanareo?

¹³³ Ary hoy izy ireo hoe, “Zanak’olona? Inona? Nihinana niaraka tamin’ilay Lehilahy isika. Nanjono niaraka Taminy isika. Nitsotra teo amoron-drano niaraka Taminy isika. Hitantsika ilay fandrian-jaza izay nandrotsirotsiana Azy. Fantatsika ny Reniny. Fantatsika ny Rahalahiny. Iza no afaka mandray zavatra tahaka an’Izany?”

Ary hoy ny Baiboly hoe, “Tsy nandeha niaraka Taminy intsony izy ireo.”

¹³⁴ Avy eo dia nitodika tany amin'i Petera sy ny sisa tamin'izy ireo Izy, nanao hoe, "Roa ambin'ny folo no Nofidiako, ianareeo roa ambin'ny folo." Ankehitriny, avy tamin'ireo an'arivony, dia nihena roa ambin'ny folo sisa no Nanananany. Hoy Izy hoe, "Roa ambin'ny folo no Nofidiako. Nefa, ny anankiray aminareo aza dia devoly. Fantatro izany, hatrany am-boalohany." Hoy Izy hoe, "Ankehitriny te-handeha hiaraka amin'izy ireo ve ianareeo?"

Tsy nila nanambitamby sy nanafosafo Izy, ka hoe, "Hataoko ho diakona ianao raha mikambana amin'ny fiangonako." Hitanareo? Tsy nanana famaky hasaina. Tsy nanazava an'izany mihitsy aza Izy. Na dia ireo mpianatra aza tsy nahay nanazava an'izany.

Fa, tsarovinareo, nilaza tamin'izy ireo fotsiny Izy hoe, "Efa Fantattro ianareo talohan'ny fanorenana an'izao tontolo izao. Izaho no nanendry anareo hanana fifaliana miaraka Amiko." Hitanareo? Izany ilay izy, "talohan'ny fanorenana an'izao tontolo izao," voafidy mialoha.

¹³⁵ Nijoro henjana tsara teo fotsiny ireo apostoly ireo. Tsy hain'izy ireo ny nanazava hoe ahoana no hihinan'an'izy ireo ny Nofony sy hisotroana ny Ràny. Tsy nety azon'izy ireo hoe ahoana no mba Nidinany, nefo Izy dia niaraka tamin'izy ireo teo mihitsy hatramin'izay. Tsy afaka nanazava an'izany Izy. Tsy afaka nanazava an'izany ireo olona. Tsy nisy olona afaka nanazava an'izany.

Fa i Petera no nanao an'ireo teny malaza ireo. Tsy mahagaga raha Nomeny azy ny fanalahidy. Hoy izy hoe, "Tompo, ho any amin'iza moa izahay? Resy lahatra izahay. Fantatray fa Ianao, ary Ianao irery, no fanamarinana an'ilay Teny nampanantenaina amin'izao andro izao. Fantatray fa Ianao irery no manana ny Tenin'ny Fiainana. Tsy afaka manazava an'ireo zavatra ireo izahay, saingy mino an'Izany izahay, na ahoana na ahoana."

¹³⁶ Hoy i Marta kely hoe, "Maty ny anadahiko. Mandry ao am-pasana izy. Lò izy; maimbo izy. Tompo, raha teto Ianao, dia tsy ho faty ny anadahiko. Fa na dia izao ankehitriny izao aza, izay Angatahinao amin'Andriamanitra, dia homen'Andriamanitra Anao izany." Oh, oadray!

¹³⁷ Hoy Izy hoe, "Izaho no fananganana sy Fiainana. Izay mino Ahy, na dia maty aza izy, dia ho velona indray. Izay velona ka mino Ahy, dia tsy ho faty mihitsy. Mino an'izany ve ianao?"

¹³⁸ Hoy izy hoe, "Eny, Tompo. Tsy haiko hazavaina izany, fa mino an'izany aho. Mino aho fa Ianao no Kristy izay ho tonga eto amin'izao tontolo izao. Mino aho, amin'ny alàlan'ny Soratra voarakitra, fa Ianao no mahatanteraka ny fepetran'Izany."

¹³⁹ Hoy Izy, "Aiza no nandevenanareo azy?" Oh, oadray! Tsy maintsy hisy zavatra hitranga. Ny kodia rehetra dia tonga miaraka tsara amin'ny fotoana mety. Hitanareo?

¹⁴⁰ Nandeha nankeny amin'ny fasana Izy. Hoy ny Baiboly hoe, “Tsy nisy hatsaran-tarehy hanirantsika Azy.” Angamba Lehilahy kely iray, milatsaka soroka, no nitsangana niaraka tamin'ireo soroka kely nilatsaka, reraka sy sasatra noho ny fandehanana.

Hoy Izy hoe, “Ry Lazarosy, mivoaha!” Ary lehilahy iray izay efa maty, efatra andro, no nitsangana tamin’ny tongony.

¹⁴¹ Vehivavin’ny Siansa Kristiana iray. Mamelà ahy raha mandratra ny fihetseham-ponareo aho; tsy manao fanahy iniana aho. Vehivavin’ny Siansa Kristiana iray, avy amin’ity fiangonana ity mihitsy, no nihaona tamiko tany indray andro. Ary hoy izy hoe, “Atoa. Branham,” hoy izy, “Tiako ny toriteninao, saingy misy zavatra anankiray izay tsindrianao be loatra eo amin’ilay izy!”

Hoy aho hoe, “Inona izany?”

Hoy izy, “Mandoka be loatra an’i Jesosy ianao.”

¹⁴² Hoy aho hoe, “Antenaiko fa izay ihany no Hanoherany ahy.” Hitanareo? Hitanareo? Hitanareo?

¹⁴³ Hoy izy hoe, “Ianao manao Azy ho avy amin’Andriamanitra.” Hitanareo, izy ireo dia tsy mino fa avy tamin’Andriamanitra Izy. Izy ireo dia mino fa lehilahy tsotra iray fotsiny Izy, mpampianatra tsara, filozofy. Hoy izy, “Ianao manao Azy ho avy amin’Andriamanitra. Fa tsy avy tamin’Andriamanitra Izy.”

¹⁴⁴ Hoy aho hoe, “Oh, eny, izany Izy.”

Hoy izy hoe, “Raha porofoiko aminao, amin’ny alàlan’ny Baibolinao manokana, fa tsy avy amin’Andriamanitra Izy, dia hino an’izany ve ianao?”

¹⁴⁵ Hoy aho hoe, “Ny Baiboliko no niteny an’izany, izaho—izaho dia mino ny Teny. Izany hoe Iza Izy.”

Ary hoy izy hoe, “Ao amin’ny Masindahy Jaona, ny toko faha-11, rehefa nandeha nankeny amin’ny fasan’i Lazarosy Jesosy, ny Baiboly dia nilaza fa nitomany Izy.”

Hoy aho hoe, “Inona no idiran’izany amin’io?”

Hoy izy hoe, “Eny, izany no naneho fa tsy avy tamin’Andriamanitra Izy.”

¹⁴⁶ Hoy aho hoe, “Diso amin’ny fahitana fotsiny ianao hoe Iza ilay Lehilahy. Sady Andriamanitra Izy no olona. Ary amin’ny maha-olona, dia nitomany, rehefa nitomany noho ny alahelon’izy ireo Izy. Fa rehefa nitsangana Izy ka nanao hoe, ‘Ry Lazarosy, mivoaha,’ ka lehilahy iray efa maty, efatra andro, no nitsangana tamin’ny tongony indray, dia mihoatra noho ny olona iray izany.” Eny, tompoko! Eny, tokoa!

¹⁴⁷ Ary mazàna aho no nanao an’ilay fitenenana, rehefa nidina teo amin’ilay tendrombohitra Izy tamin’ilay alina, noana, olona iray Izy. Noana Izy ny ampitso maraina. Olona iray Izy. Fa rehefa

nandray an'ireo bisky roa sy trondro dimy Izy, ary namahana dimy arivo, nahangona fito sobika, dia mihoatra noho ny olona iray izany. Eny, tompoko. Olona iray Izy, teo amin'ny hazo fijaliana, rehefa niantsoantso Izy hoe, "Andriamanitro, nahoana Ianao no nafoay Ahy?" Rehefa niantsoantso Izy hoe, "Omeo rano Aho," ary nomen'izy ireo vinaingitra sy afero Izy, olona iray Izy, niantsoantso. Fa tamin'ny marainan'ny Paska, rehefa Novahany ny tombokase rehetra an'ny fahafatesana, ny helo, ary ny fasana, ka nitsangana, dia mihoatra noho ny olona iray Izy.

¹⁴⁸ Olona iray Izy tamin'io alina io, nandry taorian'ilay lakana kely izay nisy Azy niaraka tamin'ireo mpianatra teo, ary devolin-dranomasina iray alina no nianiana fa handrendrika Azy. Ah-hah. Tao anatin'io sambo kely trrainay io, tahaka ny bosoantavoahangy iray teo, tahaka an'izany; tena reraka loatra Izy, ka tsy namoha Azy akory aza izany. Olona iray Izy rehefa natory Izy. Fa rehefa nametraka ny Tongony teo amin'ilay sisin'ny lakana Izy, niandrandra avy eo ary nanao hoe, "Milamîna, mipetraha tsara," ary nankatô Azy ireo rivotra sy onja, mihoatra noho ny olona iray izany. Andriamanitra Izany!

Tsy mahagaga ilay poetry raha nanao hoe:

Velona, nitia ahy Izy; maty, namonjy ahy Izy;
Nalevina, nitondra ny fahotako lavitra Izy;
Nitsangana, nanamarina ahy maimaimpoana
mandrakizay Izy;
Indray andro any dia ho avy Izy, O andro be
voninahitra!

¹⁴⁹ Eny, tompoko! Mivoaha any ivelan'ny toby. Tsy ahoako izay vidiny.

Io hazo fijaliana masina io no ho entiko
Mandra-panafaky ny fahafatesana ahy;
Amin'izay fotoana izay dia ho any an-Trano,
hitondra satroboninahitra iray,
Fa misy satroboninahitra iray ho ahy.

¹⁵⁰ Hamaranana, dia hilaza an'izao aho. Namaky tantara iray aho andro vitsy lasa izay, teo amin'ny mpitsara iray. Olona iray fotsiny izy, olona tsara iray, izay tiana. Ary nisy andian'olona iray teo amin'ny tanàna izay nihevitra fa afaka manao ny zavatra rehetra izy ireo, noho izany, dia nanana betsaka izy ireo, koa dia nanokatra trano fanaovan-dratsy iray izy ireo, nanao fitehirizana alikaola, alikaola, sy ny zavatra rehetra tahaka an'izany. Tsy ara-dalàna izany. Ary nosamborin'ny lalàna izy ireo, ilay olona federaly, ary nentina teo amin'ny fitsarana. Ary rehefa ny olona rehetra avy tao amin'ilay tanàna, ilay tanàna kely no nivory tao, dia fantatr'izy ireo fa io lehilahy io dia nanao zavatra marobe teo amin'ny manodidina teo, ilay lehilahy izay nanao an'ilay toerana fanaovan-dratsy. Ary izy ireo—izy ireo, ny mpanadina, dia nahita fa meloka ilay lehilahy, satria

tratra ambodiomby izy. Ary noho izany dia hitan'ilay mpitsara fa meloka izy, ary voasazy nandritry ny taona maro tamin'izay fotoana izay, tsy misy antoka, tsy misy fitsarana ambony na inona, nalefany izy, satria izany no novakian'ny lalàna.

¹⁵¹ Nihazakazaka teo aminy ireo olona tany ivelan'ny fitsarana, ka nanao hoe, "Fantatraq moa? Ny olona rehetra ato amin'ity tanàna ity dia hankahala anao!" Hoy izy ireo, "Mankahala anao izy ireo noho ny nandraisanao fanapahan-kevitra teo amin'io lehilahy io." Izy rehetra ireo dia mpiloka, ny tenany. Ary hoy izy ireo, "Izahay—izahay rehetra dia hankahala anao. Tsy hifidy anao intsony indray izahay. Tsy ho anankiray amin'izay hifidy anao intsony izahay," nihorakoraka azy rehefa nandeha teny andàlambe izy.

¹⁵² Ary nijanona iray minitra fotsiny izy, nanao hoe, "Mamelà ahy hilaza teny iray." Hoy izy hoe, "Nanao marina tokoa an'izay adidiko aho. Meloka ilay lehilahy, tsy mampaninona na iza izy na iza. Ary tsy maintsyz nanasazy azy aho araka ny lalàna izay nianianako fa ho tohanako."

Hoy izy hoe, "Ankahalaina eto amin'ity tanàna ity ianao!"

¹⁵³ Hoy izy hoe, "Saingy tiana betsaka kosa aho ao an-trano, amin'ireo oloko."

¹⁵⁴ Mety mieritreritra zavatra mitovy amin'izany isika, raha hamela an'ilay fitenenana ianareo. Nanohana an'izay natao hamonjena ahy aho, manohana an'ity Tenin'Andriamanitra ity. Fantatraq fa mankahala ahy ireo anaram-pianganana noho ireo zavatra izay lazaiko, saingy tiana betsaka kosa aho ao an-Tranony, eo anivon'ny Olony.

Ndao isika hivavaka.

¹⁵⁵ Tompo Jesosy, mety hankahalain'izao tontolo izao izahay, saingy tian'ilay Ray kosa. Ampio izahay, Andriamanitra malala. Ampio ireto olona ireto, mba ny tsirairay avy amin'izy ireo anie, Tompo, mba ny Fitahianao anie no hitoetra eo amin'izy ireo. Avelao izahay hivoaka any ivelan'ny toby ankehitriny. Avelao izahay hivoaka any ivelan'ny fihevitray manokana. Avelao izahay handeha amin'ny fihevitr'Andriamanitra. Ary ny Baiboly no nilaza an'izao, "Aoka ny saina izay tao amin'i Kristy ho ao aminareo." Noho izany dia avelao izahay hihevitra ny Fiheviny, fa tsy ny fihevitray manokana, satria amin'ny ankamaroan'ny fotoana dia diso izahay. Noho izany, mba hananana antoka, dia aoka ny Sainy no hitoetra ao aminay. Ary ny Sainy dia ny hanao ny sitrapon'ny Ray, ary ny sitrapon'ny Ray dia ny Teny nampanantenainy.

¹⁵⁶ Avelao izahay hivoaka any ivelan'ny toby, izao hariva izao, Tompo, ka hahita an'i Jesosy. Tsy hahita Azy mihitsy izahay amin'ny alàlan'ny fikambanana amin'ny fiangonana. Tsy hahita Azy mihitsy izahay amin'ny alàlan'ny fandraisan-tànana miaraka amin'ny mpitoriteny iray, na-na fanaovana sonia

fanekem-pinoana iray, na zavatra iray izay ampanantenainay, ny handeha any amin'ny sekoly Alahady amin'ny andro marobe an'ny taona, sy ny sisa. Hahita Azy ao amin'ny Teny fotsiny ihany izahay, satria Izzy no Teny.

¹⁵⁷ Ary araka ny fahitanay an'izay nampanantenain'izao andro izao, hoe ho any ivelan'ny toby Izzy, navoaka indray; ankehitriny dia avelao izahay hivoaka any ivelan'ny toby, vonona hitondra ny Latsany; hankahalain'ity izao tontolo izao ity, saingy tian'ilay Anankiray Izay nanasa anay ho ao amin'ilay Toby kosa. Ekeo izany, Tompo.

¹⁵⁸ Raha misy eto ireo izay tsy mahafantatra Azy, ary tsy nivoaka mihitsy tany ivelan'ny tobin'ny firaisansana amin'ny fiangonana iray, kanefa milaza ho Kristiana iray ianareo. Saingy rehefa hoy ianareo hoe, “Ireo zavatra ireo, mino aho, dia ho an'ny andro hafa iray,” dia izany no maneho fa tsy mety ho ny Fanahy Masina izany.

Ahoana no ahafahan'ny olona iray izay feno ny Fanahy Masina mba hatao batisa amin'ny fampiasana ny anaran'ny “Ray, Zanaka, Fanahy Masina”? Nefa, i Paoly, ilay apostoly lehibe, no nanao hoe, “Raha misy Anjely iray avy any Andanitra . . .” Mety efa nanao an'izany ianareo, indray mandeha, tamin'ny tsy fahafantarana ny fahasamihafana. Ireo olona ireo dia nanao an'izany, tamin'ny tsy fahafantarana fahasamihafana, ao amin'ny Asa 19. Saingy hoy izy, “Raha misy anjely iray mitory zavatra hafa, aoka izy ho voaozona.”

Ahoana no ahafahanareo hanaiky fanekem-pinoana iray, na isma iray, zavatra hafa iray, nefo hoy ny Baiboly hoe, “Ny teny fikasana dia ho anareo,” io zavatra iray io ihany, “ilay tena batisan’ny Fanahy Masina”?

¹⁵⁹ Ahoana no ahafahan'ny Fanahy Masina, izay nanoratra ny Teny, ho ao anatinareo, handà ny Teny? Ahoana no ahafahan'IZany handà, nefo ilay tena Fanahy Masina Izzy tenamy no nanao hoe, “Raha olona iray no hanampy teny iray amin’Ity, na hanaisotra na inona na inona avy amin’IZany, dia Hesoriko ao amin'ny Bokin'ny Fiainana ny anjarany”? Ahoana àry no ahafahan'ny Fanahy Masina hanaisotra na inona na inona avy amin'ny Teny, na hanampy na inona na inona amin'ny Teny?

¹⁶⁰ Ry sakaizako, na ny eto na any amin'izao tontolo izao tsy hita maso izay handehanan'ny horonam-peo, tsy hita maso amintsika ankehitriny, aoka hiditra lalina ao amin'ny fonareo izany nanomboka tamin'ny Hafatry ny aninkeo maraina teo amin'ny fampianarana, eo am-pahitana hoe aiza no misy antsika. Raha tsy mbola nandray mihitsy an'io taratasim-panafody izay noresahako vao teo io ianareo, tsy handray an'izany ve ianareo? Eto izahay mba hanao ny zavatra rehetra izay azonay atao ho anareo, mba hanampy anareo.

¹⁶¹ Vavolombelona iray fotsiny ihany aho. Mpanao propagandy iray fotsiny ihany aho. Tahaka ny ananantsika ao Louisville ankehitriny, ilay-ilay Democrat Convention an'i Kentucky, ilay... Eo am-panorenana an'ilay lampihazo izy ireo ho an'ireo olony ho fidiana. Izaho koa dia manorina lampihazo iray ho an'ny Tompoko. Tsy handray Azy ve ianareo, izao hariva izao, ho ny anareo manokana?

¹⁶² Miaraka amin'ny lohantsika miondrika, sy ny fontsika, ihany koa, amin'izao fotoana izao, hanangana ny tānanareo fotsiny ve ianareo ka hiteny amin'Andriamanitra. Tsy amiko; olona iray fotsiny aho. Atsangano amin'Andriamanitra ny tānanareo, manava hoe, "Andriamanitra, mamindrà fo amiko. Tena mila marina tokoa an'ireo zavatra rehetra izay reko ireo aho. Te-hivoaka any ivelan'ny toby aho. Tsy ahoako izay lazain'ny olona." Andriamanitra hitahy anao. Oadray, jereo ireo tānana, jereo ireo tānana! "Te-handeha any ivelan'ny toby aho. Tsy mampaninona izay vidiny amiko, hitondra ny hazo fijaliako aho ary hitondra azy isan'andro. Hivoaka any ivelan'ny toby aho. Tsy mampaninona izay lazain'ny olona mikasika ahy, te-hanaraka Azy any ivelan'ny toby aho. Vonona ny handeha aho."

¹⁶³ Ray An-danitra, Hitanao ireo tānana ireo. Angamba olona zato, na mihoatra, ato amin'ny tranobe, no nanangana ny tānany. Tompo, misy Zavatra anankiray izay akaiky azy ireo ankehitriny, Olona hafa iray, ilay Kristy Olona, ilay tsy hita maso amin'ny maso ara-nofo, ka nanao azy ireo handray fanapahan-kevitra iray. Ao amin'ny fiainany manokana, dia fantatr'izy ireo raha mijery ao amin'ny fitaratra izy ireo, hitan'izy ireo fa misy zavatra iray banga. Ary tian'izy ireo ny fiainany ho voamboatra araka ny teny fikasan'Andriamanitra, ka nanangana ny tānany miaraka amin'ny fahatsoram-po lalina izy ireo. Ampio izy ireo, Tompo, ho eo amin'ilay varavarana lehibe izao hariva izao, ho eo amin'ilay valan'ondry. Enga anie izy ireo hanatona am-pahamoram-panahy sy am-panatre-tena. Ekeo izany. Anao izy ireo, Tompo. Mifanaraha amin'izy ireo.

¹⁶⁴ Ankehitriny, tsy afaka nandray an'io fanapahan-kevitra io izy ireo, tsy afaka nanangana ny tānany izy ireo, raha tsy nisy zavatra iray ivelan'ny voajanahary. Izany no maneho fa misy fiainana iray any ho any. Satria, araka ny siansa, ny herin'ny tany misintonia dia hihazona ny tānanay hidina. Fa nisy zavatra iray izay nandona ny sain'izy ireo, izay nanao azy ireo hanohitra ny lalànan'ny herin'ny tany misintonia ka hampakatra ny tānan'izy ireo hankany amin'ilay Mpanao izay nitondra azy ireo. "Eny, te-handeha hatramin'ny farany aho. Te-hivoaka any ivelan'ny toby aho, izao hariva izao."

¹⁶⁵ Tompo, ny dobo dia vonona ho an'ilay hetsika voalohany aorian'ny fibebahana, avy eo dia hatao batisa, ary ny teny fikasanana handraisana ny Fanahy Masina. Amin'izao andro farany izao, antso iray hiverina amin'ilay Finoana tany am-

piandohana, ilay taratasim-panafody tany am-piandohana! Hitanay fa maro be ireo olona izay manalavitra an'i Kristy, maty eo ambanin'ireo taratasim-panafody hafa nataon'olona. Mety ho tsara tokoa izy ireo ao amin'ny anaram-piangonany, saingy, Tompo, izaho—izaho dia mila ny Taratasim-panafodinao.

Ianao no Dokoteranay. Misy ny Dokotera. Misy balsama ao Gileada. Misy Mpitsabo eto, izao hariva izao, mba hanasitrana ny fanahy mararim-pahotana rehetra, hanasitrana ny vatana ara-nofo rehetra. Dokotera lehibe an'ny fotoana rehetra, Mpamorona lehibe an'ny lanitra sy ny tany, tongava ankehitriny, raha Sitrakao, eto anivonay, ka mitenena aminay. Amin'ny Anaran'i Jesosy Kristy.

¹⁶⁶ Raha mbola mivavaka ao am-pony ny tsirairay avy hoe, “Tompo Jesosy, ampio aho ankehitriny!” Ary raha tsy mbola natao batisa mihitsy ianareo, ka resy lahatra ianareo... Tsy nitory ny amin'ny batisa aho. Fa ianareo no resy lahatra fa tokony hatao batisa amin'ny batisa Kristiana ianareo, ny fomba tokana izay an'ny Kristiana rehetra...

¹⁶⁷ Ahoana moa raha tonga Any ianareo, natao batisa tamin'ny fomba hafa iray, ka ilay Jesosy iray ihany Izay nanao hoe, “Izay hanaisotra Teny anankiray, na hanampy teny anankiray, dia samy hesorina ao amin'ny Bokin'ny Fiainana ny anjarany”? Jesosy no niteny an'izany. Ary hoy Izy hoe, “Ny Soratra rehetra dia voatsindrimandry ary tsy maaintsy tanteraka.” Ankehitriny dia fantatrareo ilay fahasamihafana. Inona no hanaovanareo an'izany?

¹⁶⁸ Raha nanana fahatsapana iray fotsiny ianareo na zavatra iray! Mino ny fahatsapana aho. Raha nandihy tao amin'ny Fanahy fotsiny ianareo, niteny tamin'ny fiteny tsy fantatra! Izaho dia mino an'izany, ihany koa. Saingy raha izay ihany no farany lavitra, ka ny fanahy ao anatinareo dia miteny aminareo mba tsy hanaraka ny Teny nefá fantatrareo fa marina Izany, dia misy zavatra tsy mety ao amin'izany fanahy izany. Tsy ny Fanahy Masina izany. Tsy mety izany. Hitanareo, Izany dia hanondro ny Teniny Manokana. Fantatrareo izany. Afaka miomana hanatona ianareo ankehitriny raha mivavaka isika.

¹⁶⁹ Jesosy avy any Nazareta, manatôna akaiky ankehitriny ary mitenena amin'ny fo rehetra. Apetrako Aminao izy ireo. Enga anie izy ireo ho... Ireto tânana rehetra ireto, dia amboaran'ny Hafatra izy ireo, Tompo, avy Aminao, sy ny Fanatrehanao lehibe mendri-kaja izay miaraka aminay ankehitriny. Ny olona rehetra izay mora mihetsi-po amin'ny Fanahy dia afaka miteny fa eto Ianao, izao fihetseham-po lehibe an'ny fahamasinana izao. Ekeo izany, Tompo, izao ankehitriny izao, amin'ny Anaran'i Jesosy Kristy.

Ankehitriny miaraka amin'ny lohantsika miondrika.

¹⁷⁰ Raha misy lehilahy eto izay te-hatao batisa amin'ny Anaran'i Jesosy Kristy, te-hibebaka, te-hikatsaka ny batisan'ny Fanahy, dia misy efitra iray misokatra ato amin'ny ankaviako; ireo vehivavy, ato amin'ny ankavavana. Hisy olona ao hanoro anareo. Misy an'ireo akanjo fanaovana batisa miandry ao, ny zavatra rehetra.

¹⁷¹ Ankehitriny, raha mihazona ny lohantsika miondrika isika, mihira. “Reko ny . . .” Hihaona aminareo izahay.



MIVOAKA ANY IVELAN'NY TOBY MAG64-0719E
(Going Beyond The Camp)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 19 Jolay, 1964, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2015 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org